

3942

ՄԱՐԹԱՐԵԱՆ ՀՐԱՏԱՐԱԿՈՒԹԻՒՆ

Հ. ՍԱՀԱԿ ԿՈԳԵԱՆ

ՎԻԵՆՆԱԿԱՆ ՄԽԻԹ.

ԱՍՏՈՒԱԾԱՇՈՒՆԶԸ

ՀԱՅԵՐԷՆ

ՊՈՒԲՐԻՇ — 1939

տպ. «Ա. Ր Ա. Զ»

22


4-63

23 SEP 2009

7.343

22

4-63




Հ. ՍԱՀԱԿ ԿՈԳԵԱՆ
ՎԻՆՆԱԿԱՆ ՄԽԻԹ.

ԱՍՏՈՒԱԾԱՇՈՒՆԸ
ՀԱՅԵՐԷՆ

3942

22 MAY 2013

ՄԽԻԹԱՐԵԱՆ ՀՐԱՏԱՐՍԿՈՒԹԻՒՆ



I
ՏՕՆԻՆ ԻՄԱՍՏԸ




ՊՈՒԲՐԻՇ — 1939

սպ. «Ս. Բ. Ս. Զ»

24289-54

Բ. Զ. Զ. Զ.



Ա. ԴԱՐԱԴԱՐՁԸ

Ուժգնորէն տարածուեցաւ գաղափարը Հայերէն Աստուածաշունչի դարադարձը ազգովն սօներու: Ազգին բոլոր սյօները և բոլոր խաւերը հրաւիրուեցան ի գործ: Գիտութեան ու գեղարուեստի բոլոր ճիւղերը կոչուեցան դարադարձին բազմանկիւն խորշերը յայտնարեւելու և այսպէս Ս. դարու անմահ ձեռնարկը ամէն տեսակէտէ գնահատելու: Եւ իրաւամբ, քանի որ հայ մշակոյթի բազմազան ճիւղերը ամուր թելերով կապուած են Աստուածաշունչի թարգմանութեան, և նոյն իսկ աստուածաշնչեան արմատէ կ'ընծիւղին կանոնադեղ բարունակները հայ գրականութեան, ինչպէս կրնային լուս մնար Հասկնայի է ուրեմն անապառ պէսպիսութիւնը նիւթերուն, սրմնք խօսքով ու գրչով կը ծեծուին: Հասկնայի էր ծրագրին գրեթէ հանրագիտական բնոյթը ու անհրաժեշտութիւնը ամիսներով հայութեան աչքերը այս Դարադարձին յառած պահելու:

Եթէ նոյնիսկ կրօնական հոգի վրայ սահմանափա-

կէինք խմատը դարադարձին և ուղէինք Աստուածաշունչի լոկ կրօնական — բարոյական գանձերն ի վեր հանել, դարձեալ չէինք կարող դո՛հանալ մէկ քանի օրով և դասախօսութեամբ: Երեքհազարամեայ մտքի աշխատանքը, մարդկութեան ընտրանիին խկական ճիգերը, միլիոնաւոր հատորները տակաւին չեն սպառած կրօնական — բարոյական խմատներու և ճշմարտութիւններու բովը Աստուածաշունչին: Վեց ամիսը շատ անձուկ ժամանակամիջոց է, Աստուածաշունչը կրօնապէս հանդիսադրելու համար: Ան գործն է ամբողջ կեանքի, քրիստոնէական — եկեղեցական կեանքի: Քարոզներն ու ծիսական ընթերցումները պաշտօն ունին մարդկային հոգին մերձեցնելու Աստուածաշունչի կրօնարարոյական խորքին: Իւրաքանչիւր պատարագ ու ժամասացութիւն՝ Աստուածաշունչի կրօնական բովանդակութիւնը ցուցադրող հանդէս է և կրնայ իրր դարադարձային հանդէս նկատուիլ:

Բ. ԱԿՆԱՐԿ ՄԸ

Ձքնող առեզնուամ հայ մշակոյթի:
Մթութիւն, լոկ վարկածներ ևն 405էն յառաջ:
Տքնութեան տարիներ սակայն 405 — 435, ուր հազիւ կը սեղմուի վիթխարի գործը:

Բնորոշել կենդանի հնչիւնները լեզուին, նշանազիր հնարել, բառամիտքը ճշդել, լեզու կովկել, ո՞՞ ստեղծել, աշակերտութիւն պատրաստել, տիրանալ օտար լեզուներու, սկզբնադրելու արժէքը ստուգել, լաւագոյնն արնրել, ու հայացնել՝ դասականօրէն՝ Ս. Գրքի նման կութող մը, — ահա՛ այդ տարիներու վիթխարի գործը:

Պայմանները նախ ժպտուն էին, տակաւ՝ ս'րքան գմեռայ: Կարծես յստնկայտ, սրտատրտի կ'աշխատի հայ ընտրանին: Կրկին դահերը, աշխարհիկ ու հոգեոր, — մոյթերն ազգին ամբողջեան, — կ'երերան ու կը կործանին ի վերջոյ դաւով: Սմպրոպները կը խտանան սպառնական: Բնագլխ, նախազգացո՞ւմն է արդեօք օրհասին. — ուժգին թափ յուսահատ՝ յուսալից ինքնապաշտպանութեան:

Դարբնուամ էր նոր ազգութեան նոր զէնքը: Հողիներու, — մարդկան, — փրկութեան համար ներշնչուամ գիրքը՝ ազգի մը, — Հայո՛ւն, — գոյութիւնը նոր հաստարեատ հիմերու վրայ կը դնէր: Գլխապետութիւն կոչումի, և կոչումին յամառօրէն փարամ՝ թւրտպտուկուամ կենսունակութիւն:

Հայարարառ Ս. Գրքին կնիքը խոր կը գրոջմուկ հայ մտքին ու կամքին, ամբողջ հայ կեանքին ու հայ մշակոյթին վրայ:

Մեր գերագոյն պարծանքը յորդական սղորները կըլլայ մեր միւս պարծանքներուն:

Հայտեղու Ս. Գիրքն է՝

Հայ մանկաւոյն զատարակութեան սրբան.

Մուռնո՞ հայրենիքի արի պաշտպաններուն, — հայ վանականին, մարտիկին, սպարապետին.

Հայ կրօնական բանաստեղծութեան անսպաս ներշնչարան.

Հայ նուիրական ճարտասանութեան կրակեալ.

Հայ պատճառախնդիր պատմադրութեան անըստերիւր ուղեցոյց.

Հայ ճարտարապետական, քանդակագործական, ներկարչական զարդածեւերու միջերանոց.

Հայ օրէնսդրութեան կաղապար:

Ու եթէ զիր — գրականութիւն հայածուին, թագւին, եթէ լեզուն նսեմանայ, աժգունի, մարելու մօտ առկայծ, — Ս. Գիրքը հայատառ՝ պիտի մնայ ցմիշտ պահպանն և ուսուցիչ սակեղենիկ հայ լեզուի:

Գ. ԱԶԳ ԵՒ ՄԱՀՏՈՅԵԱՆ ԱՄՏՈՒԱԾԱՀՈՒՆԶ

Չնայխարհիկ է մատենադ: Անհնար է յագիլ կարգալէ: Սկսեցէք միշտ սկիզբէն, միշտ նորութիւն պիտի գտնէք, անակնկալներու պիտի հանդիպիք: Տեղիք մը, զոր հասկցած սպառած կը կարծէիք, խմաստներու նոր վիհեր կը բանայ յանկարծ: Ընտանութեան մէջ այնքան խոր ու խրթին: Նման է գիշերային երկնակամարին. ս'րքան գննէք ա'յնքան կը բազմապատկուին աստղերը: Հաւատացեալ կամ անհաւատ, ով որ կարգայ, խակայ, սրտայ, հոգւոյն խորքէն ձայն մը պիտի լսէ իրր ներգաշնակութիւն կարգացածին: Համակ մարդկեղէն և համակ գերմարդկային: Տժգոյն է ամէն համեմատութիւն, զի ս'եւէ համեմատական գծէ վեր է ան: Աստուածաշունչ էին զայն զրոյները: Մարդկային ազգակէն վեր ազգակ կը միջամտէր հոն: Հրաշալի էր գրուածքը:

Իսկ թարգմանութիւնը: Կարելի՞ էր հրաշքը թարգմանել առանց խաթարելու, թիւրելու: Կարելի՞ էր հոգեշունչ խմաստներուն այնպէս խորամուխ ըլլալ, որ անոնց նոր զգեստ ձեւուէր առանց տոյժի: Փորձուած էր ի հուսոյ յաջողութեամբ: Այնքան յաջողութիւն, որ այն առաջին թարգմանութիւնը — Եօթնամանից — հրաշքի կը վերագրուէր: Բայց յունարէն էր լեզուն: Դարուոր մշակումով յղուած, նրբացած ու պերճացած լեզու: Իսկ բարբարոսներն ընդունակ էին զրական հրաշակերտներ

ստեղծելու: Բարբարոս էին և Հայերը — յոյն և լատին բացառութեամբ, — բարբարիկ իրենց լեզուն: Թարգմանիկ — Յօթանանից կողքին արձանացնել նոր թարգմանութիւն մը համարժէք խմտատով, գերարժէք լեզուով: Մտացնորներու երա՞զ թէ վիթխարի մտքի, կամքի, ճաշակի գործ:

Յարգանքով արտասանեցէք հակային անունը: Յեղին ինքնապաշտպանութեան, կենսունակութեան մարմնացունն է: Խտացունն ազգային հանձարներու: Ս. Գիրք Աստուծոյ խօսքն է: Մարդկային հոգին կը թրթռայ ի լուր այդ խօսքին: Ձեռք տաէք նախ Մաշտոցի՝ գործը. Աստուծոյ խօսքը ազգային ասարազ է հոգեր: Եւ անա մարդկային հոգւոյն հետ ազգային հոգին է որ կը զգայ թրթիւրը: Աստուած կը խօսի — Մաշտոց կը թարգմանէ — հայ միաքն ու հոգին արձագանդ կու տայ: Ուստի՞ այս ներդաշնակութիւնը: Ձի ազգութիւնը, ազգային հոգի ու սիրտ, Մաշտոցի կախարդ գրչով թրծուած են: Մաշտոցեան Աստուածաշունչը ազգութեան հիմնաքար և կատար:

Ի՞նչ է ազգութիւնը: Թող պատասխանէ Ռընան. «Ազգութիւնը, հոգեւոր ընտանիք է ... սրբազան ոգի ... հրեղէն սկզբունք: Ան կը ծնի անցեալէն ու ներկայէն, որոնք զիրար կ'ամբողջացնեն: Համերաշխութիւնն է և միասին ապրելու ցանկութիւնը»: Արդ կարելի՞ է համերաշխութիւն ու միասին ապրելու ցանկութիւն՝ առանց հոգեկցութեան, մտակցութեան, առանց զիրար համկնարու, և միասին ազօթելու: Լեզուն է հիմնաքարը: Ազգ մը բոլորուած Մաշտոցեան Աստուածաշունչի շուրջ — ո՛չ ասորի, ո՛չ յոյն, ո՛չ լատին — Հա՛յ Աստուածաշունչի շուրջ: Անկէ կը բխի կեանք, հոգեւոր ընտանիք — անա՛ ազգութիւնը: Անկէ կը ծագի հրեղէն սկզբունք — անա՛ ազգութիւնը: Կամուրջ անցեալի և ներկայի միջեւ: Ե. և Դ. դար զիրար կ'ամբողջացնեն —

ու օղակն է Մաշտոց: Բարոյական ամբողջ ենք, մէկ մարմին. զի հոգին մէկ է: Մաշտոց: Եթէ ան չըլլար, օտար պիտի երեւային մեզ Ե. դարու պանծալիները նախամաշտոցեան շրջանին: Լեզուն հիմնաքար և կատար մշակոյթի: Մին մասն է միւսին: Աւելի ընդարձակ է մշակոյթի գերը: Մշակուած սիրտ, հոգի, միտ, — մշակուած ճշմարիտ կրօնով, մաքուր բարոյականով, լուսաւոր զիտութեամբ: Կատարը ազգութեան: Կա՞յ զիրք որ աւելի ստատարած ըլլայ մարդկային մշակոյթին, և կա՞յ հայերէն զիրք մը, որ աւելի խոր ազգած ըլլայ հայ սրտի ու հոգւոյ վրայ, աւելի գեղեցկօրէն պայծառակերպած գայն, քան Մաշտոցի Աստուածաշունչը:

— Ի՞նչ սիրտ է դա — Հայուն սիրտն ու հոգին: Աստուածաշունչով մշակուած առիւծանման հայրենասէրներու սիրտ, հրեշտականման Աստուածախօյզերու հոգի: Տնտեսք մայրերու աղնուտղութիւն սիրտ, անձնուէր հայրերու զաղափարական հոգի: Բանաստեղծներու քնքուշ սիրտ, զիանականներու ներհուն միտք. ցոլք մը Հայ Աստուածաշունչէն ամէնուն վրայ:

Բայց կը լսեմ ձայներ բողբոջի: Տոհմին առաքիներութիւնները անկախ են մատենէն, յառաջ են մատենէն: Ակէն կու դան: Ո՞ր ակէն: Տաննակեան է Հայուն արիւնը: Կրկնական է ծագումը: Բիւրակն են մարմնախօսական յատկութիւնները: Մի՛ էր Աստուածաշունչը Մաշտոցի, որ բազմապատիկը մէկ քուրայի մէջ կը նետէր: Եւ այսպէս միակն էր աղնուտղութիւնը, խտացունն ու յաւերժացումը տոհմիկ առաքինութեանց և մշակոյթի: Եթէ ունինք նաև այսօր առաքինութիւններ տոհմիկ — և ունի՞նք հակառակ դժնդակ պայմաններու, որոնք կ'այլասերեն — անոնց արմատները կը հասնին մինչև Ե. դար: Մաշտոցի հոգին կը ստեղծնի անոնց վրայ իբր պահապանը հարածանքի և օտարութեան դէմ: Բազմադարեան խաւերէն եկող արմատներ

րու ըխած ծառն տերեւաթափ ընելու համար բիւրամ-
եայ հարածանքներ և օտարութիւն պէտք է կուտակուին
մեր վրայ ամպրոպանման:

Պատմութիւնը մարմնացած է մեր մէջ: Մեզմէ
իւրաքանչիւրը իր հոգւոյն մէջ մթերած կը պահէ դա-
րերու բովանդակութիւնը: Ազգ ենք զի պատմութիւն
կը պարունակենք, պատմութիւն կը կերտենք, պատ-
մութիւն ենք: Եւ այդ պատմութիւնը 1500 տարիէ ի
վեր կը կերտուի անուղղակի կամ ուղղակի Աստուածա-
շնչեան սկզբունքով, մարդկային պատուոյ գիտակցու-
թեան, անկախութեան ձգտումով — Աստուածաշնչեան
լոյսով — տեսարարացած մարտիրոսութեամբ: Անկախ է
անհատին ներկայ գիտակից աշխարհայեացքէն՝ հոգւոյն
խաւերուն մէջ ամբարուած պատմութիւնը: Ինչ որ ալ
ըլլայ մեր գիրքը Աստուածաշունչի հանգէպ իրր կրօ-
նական յայտնութիւն, Մաշտոցեան Աստուածաշունչի
երկաթեայ տակերով մեր հոգւոյն վրայ զբոյժուած է
անցեալ մը, որ Աստուածաշնչեան է: Աստուածաշնչեան
ոչ միայն եկեղեցական կամ ընտանեկան սրբավայրի
մէջ, ոչ լոկ գորոցէն ներս, Աստուածաշնչեան՝ նոյն լոկ
կեանքի մէջ: Մեր պատմական կեանքին կը պատկանին
նաև մեր նուաճումներն ու կորուստները, կառուցում-
ներն ու փլուզումները, յաղթութիւններն ու պարտու-
թիւնները, աղօթխառն երգերն ու սիրախառն լացը:
Եւ այդ ամէնէն անմասն չէ Մաշտոցի Աստուածաշուն-
չը: Մեր պատմութիւնը Աստուածաշնչեան է, ու քանի
որ ազգութիւնը մեր հոգւոյն մէջ ամբարուած պատ-
մութիւնն է, ուրեմն Աստուածաշնչեան տարր կայ մեր
ազգութեան մէջ:

Յիշենք վերջապէս ազգութեան գերագոյն ծա-
նուցիչն ու ծնուցիչը: Գիտակից կամք սպրելու իրր
ազգ: Դժուար է որոշել ազգային այդ գիտակցութեան
ճիշտ թուականը: Թերեւս Արտաշէս զուրկ չէր այդ գի-

տակից կամքէն: Իսկ Տիգրանի բանակները, Արտա-
ւա՞զգ, Տրգա՞տ: Ո՞վ զիտէ: Երբ ազգի մը կեանքը ար-
տակեղրոն է, երբ ազգը կը փռակուրի ի նպաստ օտարին,
սկներեւ է սրկասը կամքին իրր միաձույլ ազգ սպրե-
լու: Մաշտոց է որ ազգային նժարին վրայ կը դնէ նոր
ծանրոց մը — Հայ Աստուածաշունչը: Արտակեղրոնը
տեղի կու տայ հայակեղրոնին: Ո՞վ որ այդ կեղրոնէն
զուրս է — հայ չէ: Ծննդածա՞մն է դա ազգային գի-
տակից կամքի: Օտարաշուրթն ու օտարասիրտը կը վը-
տարուի: Մաշտոց չէր հայացներ Աստուածաշունչը, եթէ
չունենար ծրագիր գինելու ազգը սպրելու կամքով:


Զգիտեմ թէ Մաշտոցի գարծը, Աստուածաշունչը
կը գնահատենք ըստ արժանւոյն: Ազգային տեսակէտէ:
Զի կրօնական պահանջը կրնայ սեւէ լեզուով յագուրդ
զաներ: Եթէ մեր գնահատումը լոկ տօնական, կաճա-
ռային չէ, պէտք է որ ամէն Հայ ընտանիքին զբաղա-
րանին մաս կազմէր Մաշտոցեան Աստուածաշունչ մը,
պէտք էր ամէն հայ կարգար զայն: Այս դարադարձը
լաւագոյնս տօնողները չեղան անոնք, որոնք հանդէսներ
կազմակերպեցին, յօդուածներ տպեցին, ճառեր արտա-
սանեցին, երգեր գեղգեղեցին: Դարադարձին լաւագոյն
հանդիսադիրներն եղան և են անոնք, որոնք այս առ-
թիւ Հայ Աստուածաշունչը, Հայ Աւետարանը Մաշտոց-
եան լեզուով իրենց ընթերցանութեան և ուսման նիւթ
ըրին:

Կը փառարանենք զՄաշտոց, և սակայն այնքան
օտար կը թուի մեզ անոր գործն ու լեզուն: Եթէ քիչ
մը աւելի մտերիմ ըլլայինք անոր Աստուածաշունչին,
ատելութեան, թշնամութեան, նախանձի, անարդարու-
թեան այս դարուն մէջ անգամ պիտի կարենայինք ի-
րականացնել հրապուրիչ գաղափարականը ազգութեան,
— հոգեւոր ընտանիք, սրբազան ոգի, հրեղէն սկզբունք:



II

ԲԱՆԱՍԵՂԾՈՒԹԻՒՆԸ
ԱՍՏՈՒԱԾԱՇՈՒՆՉԻ ՄԷՋ



Ա. ԲԱՆԱՍՏԵՂԾՈՒԹԵԱՆ ԸՄԲՈՆՈՒՄԸ

Մշակույթի ճիւղերէն զեղարուեստն է զոր կ'ուզենք Հայերէն Աստուածաշունչի մէջ նկատել: Գեղարուեստը ջան մըն է եօթնաստեղեան: Ու գծուար չէ անոր ամէն մէկ ստեղին վրայ Աստուածաշունչի պատշաճ տեղը որոշել: Ճարտարապետութիւն և քանդակագործութիւն, նկարչութիւն և ճարտասանութիւն, բանաստեղծութիւն և երաժշտութիւն խորթ չեն Աստուածաշունչի, ընդհակառակը չա՛տ մ'տերիմ, ու մեծապէս երախտառու: Սակայն անհնար է քանի մը էջերու մէջ բոլոր այդ երախտիքները բացատրել: Թառխը ուրեմն մէկ ստեղին վրայ ու կոչենք Աստուածաշունչը, այդ գլուխ գործոցը զեղարուեստի, կոչենք զայն կոթող բանաստեղծութեան, զեղեցիկ գրականութեան:

Ասանց բնազանցական հարցերու միջամուխ ըլլալու, ըսենք նախապէս որ զեղեցիկը երերու այն յատկութիւնն է որ տեսնող, լսող, նկատող հողույն վայելք ու հաճոյք կը պատճառէ: Իսկ այդ յատկութիւնը ուրիշ

Ը-ՅԸ-Մ

24289-59



բան չէ, բայց եթէ իրը ինքնին՝ իրմէ անբաժան ճըշ-
մարտութեամբն ու բարութեամբն: Ասով է որ իրերը
հոգւոյն վրայ գեղեցիկ տպաւորութիւնը կը գործեն:
Եթէ իրին բնազանցական բարութիւնը կոչենք վարդ,
գեղեցկութիւնը՝ անոր բոյրն է. եթէ՝ բարութիւնը ան-
ուանենք սակի, գեղեցկութիւնը անոր փայլն է: Այս է
Պղատոնի վճիռը: Հոգին իրերու գեղեցկութեան հասու
կըլլայ աչքի կամ սկանջի միջոցաւ: Միայն աչքին կամ
սկանջին փոխանցած տպաւորութիւնները «Գեղեցիկ» կը
կոչուին և հոգւոյն կը հայթայթեն գեղեցիկ ճաշակը:
Գեղարուեստի բոլոր ճիւղերը կամ աչքին կամ սկան-
ջին ուղղուած են, երբեմն երկուքին միասին, ինչ որ
գեղեցկութեան զգացումը կը ստատկացնէ կրկնապատկ
վայելք պատճառելով: Գրական գեղեցկութիւնը լրսու-
թութեան առարկայ է: Բայց կան գրողներ որոնց վաս-
տճը գոյներու, նկարի տպաւորութիւն կը թողու:

Գեղեցիկ գրականութեան կը պատկանի բանաս-
տեղծութիւնը: Անոր մշակած նիւթը անպայման մըտա-
ցածինը, ցնորականն ու անիրականը չէ: Շատերու մո-
լար կարծիքն է այդ, որ կը զրկէ բանաստեղծութիւնը
իր ազնիւ նկարագրէն, կ'աղքատցնէ զայն, ու հաշման-
գամ գոյութեան մը կը մասնէ, ուր բանաստեղծութիւնը
իր մշակութային մեծ դերը չի կրնար խաղալ այլևս:
Այս, բանաստեղծութիւնը Երեւակայութեամբ ու գեղե-
ցիկ լեզուով կը գործէ, բայց կը գործէ մարդկային ի-
րական կեանքի հիման վրայ: Ինչ որ հարադատօրէն
մարդկային է — ներքին կամ արտաքին, բնական կամ
գերբնական, կրօնական կամ աշխարհիկ — նիւթ է բա-
նաստեղծութեան, որ իր ստեղծագործութեանց մէջ կը
հետապնդէ ազնիւ նպատակ: Կեանքի պատկանող իր-
զութիւնները ան կը ջանայ այնպէս ներկայացնել որ
հոգւոյն մէջ կերտուի գեղեցիկ տեսիլը և հոգեկան հա-
ճոյքը: Գեղեցիկ վայելքը տարու համար բանաստեղծու-

թիւնը կը ջանայ ազդել մարդու սրտին ու զգացումին,
երեւակայութեան ու զգայնական դատաստանին վրայ:
Ո՛րքան աւելի կարողանայ բարոքել երեւակայութիւ-
նը, յուզել զգացումը, ա՛յնքան աւելի լաւ կը խաղայ
ան իր զուտ գեղարուեստական գերը, և ա՛յնքան ա-
ւելի հմայիչ է անոր գեղեցկութիւնը: Երեւակայութիւ-
նը և զգայնութիւնը խթանելու համար պէտք է որ բա-
նաստեղծութիւնը ունենայ նիւթ մը, գործածէ լեզու մը
որոնք երբեք չհեռանան գեղեցիկ սանդղաչարէն: Պատ-
կերներ, նմանութիւններ, հակադրութիւններ, ճաշակա-
զիտական ընդդայնուհներ պէտք են գիւրացնել մտքի և
դատողութեան գործը և դիւրահաս ընծայեն գեղեցիկ
վայելքը: Լեզուն ներգաշնակ, բառերը գիւրաչար, խօս-
քերը չափակցեալ, ոճը գրաւիչ — կը յօրինեն կամուրջը՝
որուն վրայէն գեղեցիկը դէպի հոգի կ'ընթանայ: Արտա-
քին չափ, յանգ, ոտք էական չեն: Բայց չափ ու կշտոյթ
զաղափարներու մէջ անհրաժեշտ են: «Միայն սամիկը
բանաստեղծութիւնը արտաքին չափի կը կապէ, ու չա-
փական բժշկութիւն կամ բնազիտութիւն գրողն ան-
գամ բանաստեղծ կը կոչէ: Սակայն Հոմերոս ու Եմ-
պիդոկլէս նմանութեան ոչ մէկ կէտ ունին բաց ի ար-
տաքին չափէն: Մին իրապէս բանաստեղծ է, միւսը՝
փրկափայլ» (Արիստոտէլ): «Շատեր չափաւոր կը գրեն
առանց բանաստեղծութեան, ուրիշներ ճշմարիտ բանաս-
տեղծութիւն կ'արտադրեն առանց յանգի ու ոտքի»
(Յենսլըն):

Բ. ԱՄՏՈՒՆԾԱՀՈՒՆՉԸ

ԲԱՆԱՄՏԵՂԾՈՒԹԵԱՆ ԿՈԹՈՂ

Արդ այս իմաստով կը կոչեմ Աստուածաշունչը կոթող բանաստեղծութեան, թէև Աստուածաշունչի նըպատակը չէ Գեղարուեստի ծառայել: Աստուածաշունչին կը վերագրեմ, բանաստեղծութիւն ոչ թէ որովհետև ան վէպ, անիրական պատմութեամբ, անհաւատալի պատկերներ կը պարուենակէ, այլ որովհետև մարդկային իրական կեանքի գեղատիպ արտայայտութիւնն է: Աստուածաշունչը կը նկարագրէ իրականութիւն, բայց գեղեցիկ, գեղեցիկ գրականութեան, բանաստեղծութեան բոլոր յատկանիշներով ճոխացած:

Թէ Աստուածաշունչը կոթող բանաստեղծութեան է, այդ համոզումն է մարդկութեան մեծագոյն հանձարներուն, գրականութեան առաջնակարգ մշակներուն, թէ հաւատացեալին և թէ անհաւատին:

«Հրէական շին կատկարանին, աստուածային արդարութեան այդ մատենին մէջ կան մարդիկ, իրեր, ճտեր այնպիսի հզոր սծով մը, որ յունական եւ հընդկական գրականութիւնը չէ կարող գուզահեռ մը ցուցնել: Ահարեկ և պատկառանքով լի կը մնայ մարդ երբևնի մարդկութեան այս վիթխարի մնացորդներուն առջև: Եւրոպա կոչուած թերակղզին, որ Ասիայի հան-

դէպ իրրեւ թէ յառաջգիմութիւն պիտի նշանակէ, պարզապէս արգահատանք կը շարժէ . . . Հին Կատկարանի ճաշակը փորձաքար է ընտրելու Մեծն ու Փոքրը» (Նիչէ):

«Ոչ հնդկական, ոչ բարեկան և ոչ ալ սեմական բանաստեղծութիւնը ունի երգերու հաւաքածոյ մը, որ բանաստեղծական գեղեցկութեամբ, մարդկային կեանքի խորհուրդներու լուրջ նկատառութեամբ և ամենավճիտ կրօնասիրութեան մը գրաւիչ իրականացումովը հեռուէն իսկ համեմատելի կարենայ Սաղմոսաց գրքին, որ ամենալուս pianoէն մինչև համանաւագ fortissimoի բարձրացող երգն է աստուածային վստահութեան: Ամբողջ տիեզերական գրականութեան մէջ այս երգերը միակ են» (Դելի):

Ըստ Ալբերդ Լանդէի «Սաղմոսը բնութիւնը երգող ժամանակով ամենատաղին բանաստեղծութիւնն է տիեզերական մատենագրութեան, և միաժամանակ ամենէն հոյակապն է և ամենէն գեղեցիկը»:

Աստուածաշունչի գեղարարական կողմը դնահատելու և անոր գիտելի շնորհներն ըմբոշներու համար հարկ է իր ճաշակը կրթած ըլլալ ինչպէս դասական դպրոցի մէջ: Համերոս մը, Պլատոն մը, Բսենտին մը լաւագոյն մարդարաններ են հրահանգուելու և սրատրատուելու համար Աստուածաշունչի գեղարարութեան: Թէև վիճ մը կայ Աստուածաշունչի և անոնց միջև կրօնական տեսակէտէ, բայց չքնաղ ներդաշնակութիւն այն ամէն բանի մէջ, որ մարդկային է, ուստի նաև գեղարուեստի, գեղեցիկ ըմբռնումին և արտայայտութիւն մին մէջ: Նոյն յատկանիշերը, նոյն երանգը պատմութեամբ, նոյն խօսուէն պատկերները, նոյն վսեմ զգացումները: Բայց Աստուածաշունչը զանոնք կը գլխանցնի բնական և անսթեղեթ սիրունութեամբ, վառ նրկարարութեամբ, հոյակապ պատկերներով: Համերոս մը չէ կարող չափուել Մովսէսի մը հետ, որ երկ-

բորգուսն Օրինացը (զլ. 18.) զրած է: Ոչ մէկ յոյն կամ լատին երգ այնպէս հոգեզորդ է ինչպէս Սաղմունները: Եւ կամ առէք Եսային և փնտուցէք նմանը Հովերի, Վերգիլի մօտ: Մարդկային սիրտը չունի թեւ զոր չթրթռացնեն մարգարէները, ամենաքնքռչէն մինչեւ ամէնէն անկողը: Ոչ ոք կրցած է հաւասարել, թող թէ գերազանցել, Երեմիայի մը սղերուէն, որոնք զրական սեռին գազափարականը կը մարմնացնեն: Կամ առէք Նաւում (7, 1). «Ո՛ր, քաղաք արեանց, ամենեւին սուտ՝ լի անիրաւութեամբ: Չա՛յն հարուածոյ, ձայն շարժման անուայ, չաչիւն կառաց, շահատակիւն հեծերոյ, փայլիւն զինու, շորալ սուսերի, թաւարդոր խաղալ վիրաւորաց»: Եւ կամ Դանիէլ. «Ի նմին ժամու ելին մատուցք ձեռին մարգոյ, և գրէին հանգէպ գնդին ի վերայ ի բուրոյ որմոյ տաճարի թագաւորին. և թագաւորն տեսանէր զթաթ ձեռնին որ գրէր: Յայնժամ հատան զոյնք թագաւորին, և խորհուրդք նորա խաւացուցանէին զնա, և յօգք միջոց նորա լաւձանէին, և ծունկք նորա ըզմիտեանս բարախէին» (Ն. 5—6): Պարզ ու վառ: Կը տեսնենք բանակը, կը լսենք շխհիւնը զէնքերու, զրափը կառքերու—ու թագաւորին զարուկը մեր երեսին վրայ իսկ կը նկատուի:

Սակայն գեղեցկութիւնը երփներանգել—այդ ևս մաս է գեղարդիտութեան: Ու Աստուածաշունչը վարպետ է նաև այս կէտին մէջ: Նիւթին համեմատ երանգ, լեզու, վառ պատկեր: Ուրիշ է պատմութեամբ և ուրիշ օրէնսդրութիւնը. ուրիշ մեղմ նկարագրութիւնը և ուրիշ կրքի պոթկուտը, ուրիշ խորհրդալից յայտնութիւնները և ուրիշ բարոյագիտական դասերը: Ու Աստուածաշունչին մէջ կը թրթռայ ամբողջ ստեղծաշարը գեղեցկին: Սիրուն, չորհրդալի, հոյակապ, նորադրած, արտասովոր—տեղւոյն համեմատ, ու միշտ լի գեղեցկութեամբ: Խանդ, աւելն, ևռանդ, սաստ, կիրք — հոն փնտուցէք,

ու պիտի զանէք միշտ գեղեցկութեամբ լուսափառ, զի արգարութեան ու սրբութեան ենթակայ:

«Յորի զիրքը նայն իսկ զուտ երկրաւոր գեղարւեստի տեսակէտէ ամէնէն հոյակապ զործն է հին աշխարհի: Դաւթի երգերը, Սողոմոնի առակները, Եսայեայ մարգարէութիւնները վեհութիւն մը ունին որ իրենց յատուկ է. իրր սոսկ բանաստեղծութիւն իսկ անոնք հրաշայի են, կրակեաղ աստուածային խանդի, սրուն կը պարտին իրենց իրենց խիզախ բարձրութիւնները՝ նոր ու նորագոյն բանաստեղծները» (Յր. Շլեգել): «Երբայական մտքի փառահեղ գեղակերտն է Յոր: Ինչ որ է Տանդէի «Աստուածային կաթակերպութիւնը» նոր դարուն, նայնն է Յոր նախաքրիստոնէական շրջանին» (Մորից Կարիէր):

«Քնարերգակ բանաստեղծութիւն է աստուածաշունչեան գեղարուեստի հիմնաձայնը: Դարերը, ժողովուրդին լաւագոյն մտքերն ու սրտերը կ'արտադրուեն հոն հոգեկան յոյզեր ևւ թրթռումներ: Իրր անկազազ արտայայտութիւնը աստուածային վաստակութեան, մեղքի գիտակցութեան, փրկութեան կարօտի, իրր ուժեղ արտայայտութիւններ յաւիտենական պատճառի և վախճանի, Աստուածաշունչը գեղատիպ օրինակն է կրօնական բանաստեղծութեան դասական մեծութեամբ յաւերժական, ի հեծուկս հազարաւոր տարիներու միշտ հոգեցունց, սրտապնդոց, քաջակերոց, միտիթարոց» (նայն): — Ուրպիտ՝ առատութիւն պատկերներու: Ո՛րքան վառ զգացում հանգէպ բնութեան երևոյթներուն, Անհունին, Հոյակապին, Մեծին, Փայլունին, ու Փոքրին, Մատղային, Խաւարին, Արհաւրայիցին: Ինչպէս սարսուղքուն են հոն պատկերները աստուածային բարկութեան, չուն մեծագործ բանակներու, զովիւնը երկվարաց ու կառքերու, անապատ միայնութիւնը կործան քաղաքներու: Ո՛րքան սրտաթով են նկարները մեծիական խաղաղութեան ու երանութեան:

Անդերազանցելի են այս երգիչները՝ մէկ բառով
գիւթող պատկերներ ոգերու, անապառ են նորանոր հա-
մեմատութիւններ գտնելու մէջ: Կը ճանչնան ու կ'ար-
տայայտեն գեղը տունկին ու անամնոյն, կոյտին ու
ծերուն: Ամենաքնքուշին մէջ խկ ավներեւ է անոնց,
համար նկարագեղ գիծը: Բնութեան գեղեցիկութեան վե-
րահաս մեր հոգւոյն մէջ կը կաթեցնեն զմայլելի գեղեց-
կութիւններ (Շնասէ):

Ուստի զարմանալի պիտի չգտնէք որ Աստուածա-
շունչը ոչ միայն գիրքն է կրօնասէրին, այլ նաև գիրքը
գեղասէրին, բանաստեղծին: Հոն է որ ներշնչումներ
փնտտած են մարդկային գրականութեան անմահները:
Գանատ, Տասօ, Շէքրասպիր, Միլտոն, Կալտէրան, Կլօֆշտօկ,
Հերտեր, Շիլլէր, Գէօրգէ Իրենց բանաստեղծական խոյանք-
ներուն համար Աստուածաշունչէ առած են շունչ ու թե,
տեսիլ ու բառ: Աստուածաշունչի սղգեցութեան ներքեւ
է ժէ. զարու գաստկան Ֆրանսան, և նոյն խկ Ռո-
մանթիլգոմը: Վիներ և Լամարթին Աստուածաշունչ կը
թերթեն սուրբ կրակին ի խնդիր ու հոն կ'որոնէ Հիւկոյ ոչ
միայն նիւթ բանաստեղծութեան, այլ նաև ոճ, պատ-
կերներ, վերագիրներ: Աստուածաշունչն է բանաստեղծին
անարի գիրքը: (G. Lanson):

Եթէ այգալէս է աշխարհիկ բանաստեղծութեան
մասին, ս'ըքան աւելի է կրօնական բանաստեղծներու
համար: Կրօնական մարդին մէջ միահեծան է Աստուա-
ծաշունչի գերիշխանութիւնը անոնց վրայ, որոնք կըրօ-
նական սպորումներ ու գգացումներ նիւթ առած են ի-
րենց ստեղծագործ երեւակայութեան ու լիզումին:

Գ. ԱՍՏՈՒՍԾԱՀՈՒՆՉԸ՝ ՆԵՐՇՆՉՄԱՐՍՆ ՀԱՅ ԲԱՆԱՍՏԵՂԾՈՒԹԵԱՆ

Մեր բնիկ կրօնական բանաստեղծութիւնը Աստ-
ուածաշունչէն ծնած, անով զարգացած ու անած է: Հընդ-
կերտական ազգերու մէջ Յոյնէն ու Լատինէն յետոյ
Հայն եղաւ որ թարգմանեց Ս. Գիրքը, գնահատեց ա-
նոր գրական արժէքն և անոր վրայ հիմնեց նոր շրջան
մը բանաստեղծութեան, կրօնական բովանդակութեամբ:
Ս. Գրքի բանաստեղծութիւնը, ոգելից ու հոգեյոյգ,
վարակեց գեղեցիկն սրաշտամուշքով հայ կրօնասէր հոգին:
Հայ հայրապետներ ու վանականներ Ս. Գրքէն կը տար-
վին ոչ միայն ազօթել, այլ գեղեցիկ, յուզիչ գիւթիչ
կերպով ազօթել, երգել: Պիտի ունենայինք մեր զմայ-
լելի շարականները, եթէ Աստուածաշունչը եղած չըլլար
Գեղարուեստի, բանաստեղծութեան կոթող: Պատասխա-
նեցէք ինչպէս կ'ուզէք, սակայն անխախտ կը մնայ սա՛
իրողութիւնը որ մեր բանաստեղծ հայրապետները ըս-
տեղծագործ են Աստուածաշունչի դպրոցին մէջ: Անոնց
յաղթական երգերը, օրհնութիւններն ու փառարանու-
թիւնները, անոնց երախտագիտութիւնն ու զոհութիւնը,
անոնց սէրն ու ատելութիւնը, ուրախութիւնն ու
տրտմութիւնը, թախիծն ու կարօտը, անոնց զիզջն ու

ապաշաւը, մէկ խօսքով անոնց բոլոր զգացումներն ու կրքերը, զորս դարուն լեզուով գրի առած են շարականներու կամ մեղեդիներու ձեւին տակ, հանձարեղ քաղաածներ են Աստուածաշունչի բուրաստանին, բոյրեր են Աստուածաշունչեան ծաղիկներու: Ոչ լոկ ոգին է նոյն և ընդհանուր հայեցողութիւնը, ոչ միայն խորհրդանիշերը ու այլարանութիւնները, ոչ միայն նոյն նկարագեղ պատկերներն ու տեսիլները, այլ նաև նոյն խօսքերն ու բառերը, նոյն դարձուածներն ու ոճերը: Աստուածային հոգին է որ կը սաւառնի հոս ու հոն, միշտ պարզ ու ճշմարիտ, այդ իսկ պատճառաւ միշտ գեղեցիկ և յուզիչ: Անմահ գեղեցիկութիւն ունին՝ Սաղմոսներն իրենց քնարերգութեամբ, նոյնպէս անմահ գեղեցիկութիւն կը պարունակեն ասրախարանաց շարականները, ուր ոչ թէ լոկ հայ՝ այլ մարդկային հոգին կու լայ կ'աղբայ շեշտերով, որոնց վարակիչ յոյզին ոչ ոք կրնայ զիմաղրեր: Հայ կրօնական բանաստեղծը տէրն է մեր սրտին ու արցունքին, և այդ տիրապետութիւնը ստացած է Երգ Երգոցէն ու Երեմիայէն, Մարգարէնորէն ու Աւետարանիչներէն: Եթէ հայ լեզուն զուրկ է վանկերու քանակէն և հեռեւարար անկարող է յունական—լատինական խմբագրութեան շափական բանաստեղծութիւն արտադրելու, նոյնքան աւելի սերտիւ կը յարի հայ բանաստեղծը Աստուածաշունչի բանաստեղծութեան նոյն իսկ արուեստին, ու չտի, կշռոյթ կը դնէ ոչ թէ վանկերու, այլ գաղափարներու, արամարանութեան, խորհուրդներու մէջ:

Սին խօսք չէ, երբ կրօնական բանաստեղծութիւնը կը կապենք Աստուածաշունչի հայ թարգմանութեան, սրովհետեւ այդ թարգմանութիւնը գեղարուեստական կոթողի մը հայացումն էր և այն՝ գեղարուեստորէն դասական հայացումը:

Դ. ԱՌԱԿԱՅ ԳԻՐՔԸ

Գեղարուեստական հայեցակէտէ՝ Աստուածաշունչի բոլոր մասերը հաւասար արժէք չեն ներկայացներ: Համակ գեղարուեստական մատենաներու կողքին, — ինչպէս են Սաղմոսները, Երգ Երգոց, Յօր, Իմաստութիւն, — կան ուրիշներ որոնք պատմական ամբողջի մը մէջ բանաստեղծական մեծարժէք հաստուածներ կը պարունակեն. — օր. Մարգարէները, Ծննդոց, գլ. 49, Երկրորդումն Օրինոց, գլ. 32, Դատաւարաց, գլ. 5, Թիւք, գլ. 23, 24, ևւայլն: Աստուածաշունչի հայացումը կատարւած է գրքերու ո՛չ ժամանակագրական, ո՛չ աւանդական կարգին համաձայն: Իմաստութեան և զգօնութեան հետամուտ մեր գեղատէր թարգմանիչները գեղարուեստական կոթողէն կ'ընտրեն մատենան մը որ իր բովանդակութեամբ և իր արուեստով ինքնուրոյն էր, ևւ տուով գոհացում կու տան կրկին պահանջներու, թէ՛ կեանքին, որուն վարիչն ըլլալու էր իմաստութիւնը, և թէ՛ գեղարուեստին՝ որ գեղեցիկով, բանաստեղծութեամբ կեանքը կը քաղցրացնէ: Աւ այդ յարմար էր Աւակաց Գիրքը: Ու Ե. դարու զարթօնքի մեծ պարագլուխը՝ Մաշտոց՝ կու տայ անոր դասական թարգմանութիւնը: Չենք ճանչնար ուրիշ գրքերու թարգմանիչներուն անունները ճշտիւ: Այնքան աւելի երախտապարտ ենք Կորնելի, որ սոյս միակ բացառութիւնը պահած է մեզ, և այնքան աւելի ինամքով ու զուրգութեամբով գրողելու ենք

ԱՌԱԿԱՅ գրքով, քանի որ Մաշտո՛ցն է որ Սողոմոնի փորձագէտ խմաստութիւնը իր սիրելի ազգին կը ներկայացնէ սակեղէն բարբառով:

Որովհետեւ Աստուածաշունչը՝ հայացուած առաջին գիրքն է, որովհետեւ զեղարուեստական է, որովհետեւ Մաշտոցի՛ գրչէն ծորած է, սիրով կանգ կ'առնուած այդ գրքին վրայ:

Բանաստեղծական է, զեղարուեստական է Առակաց Գիրքը: Բայց հո՛ս զեղարուեստութիւնը առանձնաշատուկ դրա՛մ մը կը ստանայ անով որ գուգուած է կեանքի խմաստութեան, բարոյական ճշմարտութեան: Մինչ քնարերգակ բանաստեղծութիւնը Երգ Երգոցի կամ Սաղմոսներու՝ անհատական զգացումներու յորդումը կը պարունակէ, հոս օտարին խրատը կը զիտուի և առ այդ կը գործածուին կարճ ասացուածքներ, որոնք իրենց խմաստուն բովանդակութեամբ և գրաւիչ արատայայտութեամբ կը կառչին յիշողութեան, կը յարին սրտին: Բանաստեղծական վարդապետական կը կոչուի զբրահան այս սեռը, զոր մշակած են Յոյներէն՝ Փոկիլիդէզէս և Թէոգնիս, Լատիններէն՝ Պուրլիոս Սեւերոս և Դիւանիսիոս: Կեանքի փիլիսոփայութիւնը խտացուած է 31 զբուխներու կամ 375 խմաստալից խօսքերու մէջ: Կիրք և աւելն բացակայ են: Յորձանապտոյտ, անագնավագ, անեղագոչ զեփ մը առջև չենք դանուիր: Զուր մը կը հասի հեղասած՝ երկու կողմէն զեղեցիկ բնութեամբ եզերուած: Երբայական բանաստեղծութեան միջոցները, — հակադիր, համադիր կամ համանիչ զուգակցութիւնը — կը կազմեն եզերքները՝ ընտիր բառամթերքով:

Հոս է որ կը ցուցուի խմաստութեան կարեւորութիւնն ու անդուգական զեղեցիկութիւնը, ի վեր կը հանւին պատեղներն համեղ, օգուաներն անանց: Մանր պատեղներով ամբողջ կենդանի պատկերը կը գծուի: Առաքինութեան ու սրբութեան նուիրուած ըլլալու են սիրտ

ու բերան: Կրքերու և մարտթիւններու դէմ, որոնք կ'աւրեն, կ'սպախանեն ամէն երջանկութիւն, զգօնութիւն ու արիւթթիւն հարկ է: Ու որքան սրբուի հոգին կրքերէ, ա՛յնքան աւելի յարմար անօթ կը դասնայ խմաստութեան, որ յաւիտենական է և աստուածային: Հակադրեցէք զգօնն ու անդգօնը, խմաստունն ու յիմարը, — ի՛նչ տարբերութիւն կը ներմուծեն անհատական և ընտանեկան կեանքի մէջ: Առաքինութիւնը միայն շահարէր է, մարտթիւնը միայն միասակար է: Սակայն երեւոյթը խարեպատեր է: Վերջնական վարձատրութիւնը բարւոյն, վերջնական պատիժը չարին վերապահուած է, զի կոյր պատահարի ձգուած չէ մարդկային կեանքը, այլ ենթակայ աստուածային ամենիմաստ նախախնամութեան և առաջնորդութեան:

Այս է հիմնական միտքը այս փիլիսոփայութեան, զոր այնչափ պատշաճօրէն ու զեղազիտօրէն կը ներկայացնէր Մաշտոց իր հարազատներուն:

Պատշաճօրէն՝

Յիրաւի, նոր շրջանի մը սեմին վրայ, որուն մէկ կողմը անգիր և միւս կողմը գրական ժամանակը կը փրէր, ազգը լոյսի և զիտութեան խնամխացնելու այն առաջին ժամուն, ի՛նչ կար աւելի պատշաճ քան յորդորը՝ սիրելու խմաստութիւնը, նուիրուելու անոր բոլոր ներշնչումներուն և այսպէս սկիզբ դնելու նոր, գաղափարական կեանքի: Դ. դարը զգալի կերպով անտեսած էր խմաստութեան պատուէրները: Եթէ կ'ուզէին ազատի խմայական ատորնացուցիչ ստրկութենէն ու բանալ նոր շրջանը լոյսի և յառաջդիմութեան, հարկ էր ողբւին նուիրուելի խմաստութեան: Ուստի պատշաճ էր նորադիւտ հայ տաւերով նախ գրի առնուլ խմաստութեան կենսական պատուէրները: Սահակ — Մաշտոցեան վիթխարի գործին նպատակն էր մղել ազգը՝ «ձանաչել զիմաստութիւն և զխրատ. խմանալ զբանս հանձարոյ . . . ի

միտ առնուլ զարդարութիւն ճշմարիտ և զիրաւունս».
(Առակաց, Ա. 1.): Մաշտոց իր ցեղին բոլոր անդամները
ճոխացնել կ'ուզէ հոգեկան դանձկրով: Հայրաբնիկներու
մէջ պէտք չին գտնուելի այլեւս անխրատներ, անզգոն-
ներ, ըմբոստներ, որոնցմով ազգը կը քայքայուի ու
թշնամւոյն աւար կը դառնայ: «Լուր, որդեակ խըրա-
տու հօր քո, և մի՛ մերժեր զօրէնս մօր քո: Զի պսակ
չնորհաց ընկալցի զլուխ քո, և մանեակ ոսկի ի պու-
րանացի քու՛մ»: Նոր սերունդին ու դարուն սեմին վը-
րայ պատշաճ էին սոյն խմաստայից շահաւէտ խրատնե-
րը ուղղուած երիտասարդին ու ծերին — ու հայ կ'նոջ:

Այո՛, Հայ կ'նոջ: Ի՞նչպէս խայտացին հայ մայրե-
րը ու տիկինները, երբ Մաշտոցեան զրչէն ծորեց աստ-
ւածաշունչ նկարագիրը ժրագլուխ կ'նոջ —, այն կ'նոջ,
որ Ե. դարու զիւլցազները դատարարակերու վեհ կոչումն
ունէր: Հպարտ զիտակցութեամբ կրնար Մաշտոց աստ-
ւածաշնչեան տողերուն մէջ հայ կ'նոջ պատկերը տես-
նել, ցուցադրել կենդանի պահերու համար անոնց մէջ
կոչման զիտակցութիւնը: Այրեր ու կիներ ի գործ կը
հրաւիրէր Մաշտոց: Եթէ այրերուն ձեռքը զրիչ ու զէնք
կու տար, այդ ձեռքին սյժն ու ճարպիկութիւնը կը
վստահէր հայ կ'նոջ:

Չեմ ուզեր բերլ թէ փորձ խմաստութիւնը Մաշ-
տոցէ առաջ գոյութիւն չունէր: Ունէր: Բարձրաթիւ են
յուշարձանները ցեղային առաքինութիւններու նոյն խոկ
օտար մտանդակներու մօտ: Մեր հեթանոս նախնեաց
լուսաւոր բարուց և առաքինի հասունութեան ստուեր
չի հասնիր եթէ ըսեմ, թէ Մաշտոցի «Առակները» կու
գային նոր փայլ ու շող տալ ցեղին դարաւոր առաքի-
նութիւններուն: Իմաստութիւնը որ մեր մամիկներու
և պապերու բերնէն կը կաթէր, օրհնէքները սրունք մե-
զեղիի նման կ'օրօրէին մատղաշ սերունդը, Աստուա-
ծաշունչ առակներու համն ու բոյրը, զեղն ու թոյրը

կիւրացնէին այն օրէն, երբ Մաշտոց հրատարակ կը
հանէր զանանք լեզուով մը որ իրր սակեղէն այնքան
զեղազիտօրէն կը զգեստաւորէր սակեղէն կորիզը Առակ-
ներուն:

Գեղազիտօրէն: Ու հոտ կարող ենք մեր աչքը վե-
րբստին ուղղել ամբողջ Աստուածաշունչին, և ոչ թէ
միայն Առակաց թարգմանութեան:

Ե. ԼԵԶՈՒԻ ԳԵՂԵՅԿՈՒԹԻՒՆԸ ՀԱՅ ԱՍՏՈՒԱԾԱՀՈՒՆՉԻ ՄԷՋ

Գեղեցիկը բացատրելու, նկարագրելու համար՝
Բանաստեղծութիւնը լեզու մը կը պահանջէ որ իրա-
ւամբ կարենայ գեղեցիկ յորջորջուել: Ու լեզուն՝ զոր
կիրարկեցին Սահակ — Մաշտոց թարգմանելու համար
աստուածաշունչ բանաստեղծութիւնը, ԳՍՍԱԿԱՆՅՈՐԷՆ
ԳԵՂԵՅԻԿ ԷՐ:

Բացառիկ, եզակի է հոս Հայուն գիրքը: Կարող
էք գտնել թարգմանութիւններ, որոնք աւելի արժէ-
քաւոր և հնագոյն օրինակներու վրայ յենուն. թարգ-
մանիչներ, որոնք աւելի հմուտ եղած ըլլան սկզբնա-
գրերու լեզուին — երբայցերէնի, յունարէնի — քան
մեր հայ թարգմանիչները, և աւելի ատակ ըմբռնելու,
իւրացնելու և հաւատարմօրէն արտայայտելու միտքը
սկզբնագրին, հետեւաբար կարող էք գտնել թարգմա-
նութիւններ որոնք աւելի անխալ ըլլան քան հայ
թարգմանութիւնը — բայց չէք կարող գտնել ուրիշ մը,
որ Աստուածաշունչի գոհար բանաստեղծութիւնը թարգ-
մանած ըլլայ լեզուով մը այնպէս դասական, այնպէս
գեղեցիկ ինչպէս հայերէնը:

Չեմ խօսիր արգիական լեզուներու մասին, որոնք
զուրկ են դասական կատարելութենէ, փոփոխութեան
ենթակայ: Անոնք ստիպուած են իրենց կերպարանա-

փոխութիւններուն մասնակից ընել նաև Ս. Գիրքը:
Չեմ խօսիր ասորերէնի, կոպտերէնի, եթովպերէնի մա-
սին, որոնք բանասիրական ամէն առաւելութեամբ
հանդերձ, Աստուածաշունչի մէջ դասական չեն: Նոյն
խի յունարէնը — որով նոր կտակարանը և Հինէն քա-
նի մը մատեաններ գրուած են — լատիներէնը, որ հը-
նագոյն թարգմանութիւններէն է, անփայլ մետադ են
երբ Աստուածաշունչի կը ծառային: Աւելին: Հին կը-
տակարանի մեծ մասը երբայցերէն գրուած է գրեթէ
հազար տարուան երկար ժամանակամիջոցին: Ժամա-
նակի երկարութիւնն անգամ անհնար կը դարձնէ մէկ
դասական լեզուի գործածութիւնը: Եւ յիշուի երբայցե-
րէն Աստուածաշունչը կը պարունակէ դասական մա-
տեաններու կողքին՝ ոչ—դասականներ, անկախ բնա-
կանաբար բովանդակութենէն, որ միշտ գերարժէք է:
Իսկ Հայերէն Աստուածաշունչին չքնադ լեզու: Մայրէ
ծայր դասական գեղեցկութեամբ օժտուած է:

Դարեր ու սերունդներ աշխատած էին հայ լեզ-
ւին վրայ: Վերջին գրական յղիւածքը կու տային Սա-
հակ—Մաշտոց ու կը գնէին զայն ի սպաս ամենալսեմ
բանաստեղծութեան:

Դասականութիւնը լեզուի մը չափահաս, ուժեղ
չըջանն է: Գեղեցիկ է ան, որովհետեւ այն լեզուն խօ-
սող մարդը իր հոգեկան կատարելութիւնները կը ցո-
լացնէ հոն: Հոգին կենդանի ոյժ մըն է, անանց, անփուտ
զոյացութիւն մը, լուսատենչ ու լուսաշող էութիւն մը:
Երբ լեզու մը յաջողի հոգեկան այդ յատկութիւնները
մտքմտացներ, կը զգենու գեղեցկութիւն մը, զոր դա-
սական կը կոչենք: Առ այդ հարկ է որ թոթափէ ան-
շարժութիւնը, մեռելութիւնը, և կիանք, շարժունու-
թիւն, ձկունութիւն ցուցադրէ՝ հոգեոյն աշխոյժ և ան-
կաշխանդ անտիյնը բացատրելու համար: Բերականա-
կան ձևերը, խոնարհումներն ու հոլովումները, բար-

դուժիւններն ու անանցները պէտք չեն ըլլալ տարտամ,
կամայական, անկանոն: Այդ պիտի խանգարէր հոգւոյն
ճաշակագիտական վայելքը, հոգւոյն՝ որ ինքզինքը իր
անմեռ էակ՝ բնագանցական և արամարանական անյեղ-
լի օրէնքներու հպատակ կը ճանչնայ: Լեզուի մէջ օրէն-
քը, կանոնը, ամուր և տեսական, պայծան է անոր դա-
տական գեղեցկութեան: Ողնայարը, որ պիտի կրէ պա-
ճուճադարդ շէնքը լեզուին: Աւելցուցէք անոր վրայ
լեզուի տարրներուն պայծառ աղերսը, խօսքի մասերուն
մեկին զօգը և դիւրաշարժութիւնը, ու պիտի դանդա-
բ լեզուին գեղեցկութեան անհրաժեշտ պայծանը — լոյսը,
որ մտքէն, գաղափարներէն կը ժայթքէ և խօսքին մէջ
սազակի կը փնտռէ: Դասական լեզուն խտասպահանջ է
գործածուած բառերու հանդէպ: Բառերը կը ստեղծէ
Ազգը: Ազգին հանճարները՝ կիրթ ու նուրբ ճաշակով,
ցեղին հոգւոյն խոր գիտակցութեամբ, բնագրական ըզ-
գայութեամբ՝ քննութեան բովէն կ'անցնեն ու խումբ
մը բառերու մուտ կը շնորհեն՝ զրականութեան տա-
ճարի մէջ, իսկ ուրիշ բառերու հանդէպ կը բռնեն վե-
րապահ, մերժողական դիրք: Այսպէս կը կազմուին ըն-
տիր բառազանձ, ընտիր քերականական ձևեր, ընտիր
ոճ—տրանջին դիւրայուր, շրթունքներու հեշտին, երե-
ւակայութեան յանկուցիչ: Այսպէս պէտք է ըլլայ լեզ-
ւի մը դասական գեղեցկութիւնը, և այսպէս է այն լե-
զուն, զոր Սահակ—Մաշտոց կիրարկեցին Աստուածա-
շունչը հայացնելու համար:

Աստուածաշունչին ներքին գեղեցկութեան լաւա-
գոյն հայելին է հայ թարգմանութեան լեզուն, իր դա-
տական գեղեցկութեամբ: Հոգ չէ թէ մէկ անձ չըլլայ
թարգմանիչը, հոգ չէ թէ այդ զանազան թարգմանիչ-
ները ունենան իրենց առանձնաշատութիւնները, հոգ
չէ թէ նոյն իսկ Աստուածաշունչը զանազան ոճեր—
հանդիսականն ու ընտանեկանը, զարդալիցն ու անպա-

ճոյճը, պատմականն ու հեռուականը— պահանջէ հա-
մեմատ նիւթին, որ գեղեցիկ զրականութեան կամ բա-
նաստեղծութեան գլխաւոր բոյսը սեռերը կը պարու-
նակէ—, հոգ չէ թէ վերջապէս հայ բոյսը թարգմանիչ-
ներու յունագիտութիւնը և թարգմանչական արուես-
տը հաւասար բարձրութեան վրայ կանգնած չըլլայ—
հակառակ այս թերութիւններուն՝ Ե. դարու Աստուա-
ճաշունչը համակ դասական է:

Դասական գեղեցկութիւնն սփռուած է Դեւտական
չոր օրէնքներուն վրայ ա՛յնպէս ինչպէս ճարտարապե-
տական ցուցմունքներու վրայ: Դասական գեղեցկու-
թիւն կը փայլի ճիւղագրութիւններու մէջ այնքան զը-
րաւիչ որքան պատմական գրուագներու մէջ: Մարգա-
րէներու շանթերը դասական գեղեցկութեամբ կ'իջնան
Հրեաներու և հեթանոսներու վրայ, այնպէս ինչպէս
Մեխական Արքայութեան դասական բարիքներն ու շը-
նորհները դասական գեղեցկութեամբ կը ցորան: Դասա-
կան այդ գեղեցկութիւնն է, որ հայերէնի մէջ մոռցնել
կու տայ չափի պակասն հան, ուր սկզբնագիրը հաւանօ-
րէն չափ ու կշիռ դրած էր բառերու մէջ, ցայտեցնելու
համար բովանդակութեան գեղեցկութիւնը: Հայ լեզուի
գեղէն յարիշատակուած՝ չենք անդրադառնար անգամ
այս պակասին, եթէ պակաս է այն: Եւ հմայիչ է հայ
լեզուի գեղեցկութիւնը, զի անբունադրօսիկ է: Ոչ մէկ
ճիւղ գեղեցիկ երեւարու, զարդեր բարդելու, անականներ
յօդելու: Ամէն բայ ու բառ, ամէն մասնիկ ու յօդ որ
թարգմանչի գրչէն կը հոսի, պարզօրէն, բնականօրէն կը
հոսի, իր բուն տեղը կը գտնէ, և այդ պատճառաւ թէ՛
գեղեցիկ է և թէ՛ խմաստալից: Ծննդոցէն մինչեւ Առա-
քելոց թղթերը—ի՛նչ անագին պէսպիսութիւն նիւթերու,
ի՛նչ ծով խորխոր յայտնութիւններու, ի՛նչ անապառ բով
հոգեկան յոյզերու, կրքերու, և սակայն միւսեւո՛յն հո-
զին: Այդպէս է նաև լեզուն, որ իր ծփանքներուն, վէտ-

34

վէտուհներուն, յորձանքներուն մէջ՝ բան մը կը պահէ անխորտակ: Իր դասական գեղը, իր չտորնալի կերպարանքը: Կանոնաւոր հարով ու խոնարհուով, ձեւերուն մէջ համաչափ ու հաւասարակչու, բառերով ընտիր, համաձայնութեամբ ու շարադասութեամբ մեկին ու ձկուն, նախդիրներով՝ բարդութեանց մէջ զուսպ ու գըրեթէ երկչտ, պարզ և արմատ բտուերով վեհ և անվախ, և — ու հոս է որ հայ թարգմանիչը գեղազիտութեան հիմնական պահանջը կը կատարէ խանդավառ — կըրկնութեան թշնամի, և սիրահար պէսպիսութեան, երփներանգութեան, բառերու փոփոխութեան, որով լեզուին չտորնը կը բազմապատկուի: Պէսպիսութիւնը մեր գեղազիտական ձաշակին էական պայմաններէն է: Միօրինակութիւնը յոգնութիւն և ձանձրոյթ կը պատճառէ: Սահմանաւոր միտք և երեւակայութիւն՝ նոր պատկերի և նոր բառի խթանին ներքեւ գտնուելու են չընդարմանալու, չնիրհելու համար: Ու հայ թարգմանիչը՝ պատմութեան, մարգարէութեան, բանաստեղծութեան հոտանքին համեմատ լեզուին ալ կու տայ վազք մը տարրէ տարր, մակղերէ մակղեր, մակրայէ մակրայ, բայէ բայ, ու յառած կը պահէ մեր աչքը նորանոր լեզուապատկերներու և այդպէս կը հայթայթէ վայելք գեղազիտական: Դիւթուած լեզուէն, անոր դասական մշտանորոգ, մշտաթարմ՝ գեղէն, անձնատուր կ'ըլլանք զրջին որ Հայ է, առանց թերեւս խորը թափանցելու խմաստին՝ որ Աստուածաշունչ է: Այո՛, Աստուածաշունչը, այդ աստուածային գեղակերտը, իր հայ ձեւով անաւոր վտանգը կը սրարձնակէ խմաստէն աւելի լեզուին անձնատուր ըլլալու: Այնքան գեղեցիկ է ան: Ահա սրարտաւ մը որ գերադրական դրուտափք կը նշանակէ:

Հայերէն Աստուածաշունչի վրայ նայիլ իրր բանաստեղծական կոթողի մը, նոր յայտնութիւն կը նշանակէ Ե. դարու մասին: Վարժած ենք ըսելու թէ

Ե. դարու հայ մատենագրութիւնը առաւելապէս թարգմանչական և կրօնական էր: Ու, երբ կրօնական կ'ըսենք, կ'ուզենք հասկցնել թէ անկէ կը բացակայէր գեղեցիկ գրականութիւնը, բանաստեղծութիւնը: Սխալ ըմբռնում: Արգահատելի պիտի ըլլայինք եթէ Ե. դարէն բացակայէր բանաստեղծութիւնը, գեղեցիկը, բայց այդպէս չէ:

Քանի որ մեր հայրերը Աստուածաշունչն է որ նախ հայացուցին — որ կոթող է գեղարուեստի —, քանի որ Աստուածաշունչէն նախ Առակաց գիրքը հայացուցին, որ գաղտրիկ բանաստեղծութիւն է վարդապետական, ու քանի որ հայացուցին դասական գեղատիպ լեզուով այսու իսկ Ե. դարու հայ գրականութիւնը լեզուով ու նիւթով գեղեցիկին զօղեցին: Նիւթին գեղեցիկութիւնը աստուածային Հոգիէն կը ըլլէր, լեզուին գեղեցիկութիւնը՝ հայ հոգիէն: Մին՝ աստուածաշունչ, միւսը՝ հայաշունչ:

2. ՆՄՈՅՇՆԵՐ

ՍԱՀՄՈՍԱՐՍԵՆԷՆ (ՃԳ.)

Օրհնեա անձն իմ զՏէր: Տէր Աստուած իմ, մեծ եղեր յոյժ: Խոտաւանութիւն և մեծ վայելչութիւն ըզգեցար, արկար զրոյս սրպէս զօթոց. ձգեցեր զերկինս սրպէս խորան, և արկար ի վերայ ջուրց զվերնայարկս նորա: Ո՞րքն յամպս զգնացս իւր, և չրժի նա ի վերայ թևոց հարժոց: Ո՞րար զհրեշտակս իւր յոգիս, և ըզպաշտօնեացս իւր ի հուր կիտրոյ: ... Խորք սրպէս զգետ վերարկու է նորա, ի վերայ լեռանց կացցեն ջուրք: Ի սաստէ քւեմմէ փախիցեն, և ի ձայնէ որոտարոյ քումմէ սարսիացին: Երանեն լեռնանան և իջանեն դաշտանան ի տեղի յոր հաստատեցեր զնոսա: Սահման եզեր և ոչ անցանեն, և ոչ ևս դառնան ի ծածկել զերկիր: Առաքեցեր զաղբերս ընդ ծործորս, ի մէջ լեռանց զընացեն ջուրք, արբուցանել զամենայն զազանս վայրի: Յագեցին ցիւք ի ծարաւս իւրեանց: Անդ թռչունք երկնից բոյնս զիցեն, և ի միջոյ վիմաց տացեն զձայնս իւրեանց: ... Բուսուցեր խոտ ի լերինս, զգալարի ի ծառայութիւն մարգիտն: Հաներ զնայ յերկրէ: Գինի ուրախ աննէ, իւզ զուարթ, և հաց հաստատէ զսիրտ

մարդոյ: Յագեցին ծառքն անտառի, և մայրքն լիրանանու զորս դու անկեցեր: Անդ թռչունք երկնից ձագս հանցեն, և բոյն արագլի ապաւէն է նոցա: ... Արարեր զուսին վասն ժամանակի. արեգակն ծանեալ զժամ մասնելոյ իւրոյ: Արարեր խաւար, և եղև զիչեր: Ի նմա զնան ամենայն զազանք անտառի: Կորիւնք առիւծաց մանչեն և յափշտակեն, և խնդրեն յԱստուծոյ զկերակուր իւրեանց: Ի ծագել արեալ ժողովին, և ի մորխ իւրեանց զազարին: ... Որպէս զի մեծ են զորքք քս Տէր... Այս ծով մեծ և անգորք. ի սմա են սոզունք՝ սրոց ոչ դոյ թիւ. զազանք մեծամեծք և մանուկք. ի սմա և նաւք զնան. վիշապն՝ զոր ստեղծեր խաղալ նովաւ: Ամենեքեան քեզ սպասեն ... Դարձուցանես զերեսս քս ի նոցանէ՝ և խաղիւն. հանես զոգի քս ի նոցանէ, պակասին և ի հոգ զառնան: ... Ո՞ր հոյի յերկիր՝ և տայ զոզալ սմա. մերձի ի լերինս և ծխեցին: Օրհնեցից զՏէր ի կեանս իմ: Սաղբոս ասացից Աստուծոյ իմոյ մինչև եմ ես:

ՅՈՒՅ ԳՐՔԷՆ (ԼԸ. 1-28)


Ո՞վ է դա, որ թագուցանէ յինէն զխորհուրդս, ժողովեալ բանս ի սրտի. և համարի յինէն թագուցաներ: Պեղեա՞ իրրեւ զայր զմէջ քս. հարցից զքեզ՝ և տուր ինձ պատասխանի: Ո՞ւր էիր՝ մինչ ևս հիմունս արկանէի յերկիր ... Ո՞վ ես զչափ դորա ... կամ ո՞վ արկ ի վերայ դորա լար: Յե՞ր վերայ հաստատեցան աղիք դորա. ո՞վ է որ արկ զվէնն անկեան ի դմա: Յորժամ եղեն սասեղք ձերք՝ ամենայն հրեշտակք սասեղաց

օրհնեսցին զիս մեծաձայն ... փակեցի զծով դրամբք ...
Եղի նմա մէջ ի հանդերձ, և զմատախուղ նմա ի խան-
ձարուբա: Եղի նմա զսահմանս՝ եղեալ փականս, և
զըրունս: Առաջի. ցաչդ վայր եկեսցես, և այլ մի՛ անցա-
նիցես, այլ անդրէն ի քեզ խորտակեսցին այլք քո:
Առ քե՞ւ կարգեցի զլոյսն առաւօտին ... կամ թէ քո՞
առեալ զհողն կաւ՝ ստեղծեր կենդանի և խօտուն, եղիք
զնա յերկրի: Եւ մերժեցե՞ր զլոյսն յամպարշտաց. զրա-
զուկս ամբարտաւանից խորտակեցե՞ր: Հասեալ իցես յակն
ծովու, և ընդ հետս անդնդոց չըջնցա՞ր: Բանայցե՞ն քեզ
անիւ գրունք մահու. բարապանաց զժոխաց տեսեալ ըզ-
քեզ սարսեցի՞ն: Խեղամե՞տ իցես լաշնութեան սա ի
ներքոյ երկնից. ա՛ղէ՛ պատմեա՛ ինձ սրչափ իցէ: Զի՞նչ
երկիր իցէ, յորում լոյսն ազանիցի, կամ զի՞նչ տեղի
խաւարի: Տանիցե՞ս զիս ի սահմանս նոցա եթէ խելա-
մուտ իցես շաւղաց նոցա: ... Երթեա՞լ իցես ի շտեմա-
րանս ձեան, և զգանձս կարկափ տեսեա՞լ իցես: ... Ուտա՞ր
կրանիցէ եղեամն, կամ սիրեսցի ծարաւ ի ներքոյ երկ-
նից: Ո՞ պատրաստեսց զհոտանս սաստիկ անձրեւոյ և
զճանապարհս ամպրտաց տեղեալ յերկիր: Ուր ոչ գոյ
մարդ՝ յանապատ յանմարդի: Յագեցուցանել զանկրին
ու զանչէն, և բղխեցուցանել զրոյս դարարոյ: Ո՞ է հայր
անձրեւի և ս՞իլ է սր ծնուլ զչաղս ցօղոյ:—


ԱՌԱԿԱՅ ԳԻՐՔԷՆ (ԼԱ. 1—31)

Կին ժրագլուխ եթէ գտանիցի, պատուականագոյն
է այնպիսին քան զականս պատուականս: Վտաան է ի
նա սիրտ առն իւրոյ ... Գործակից է առն իւրում ա-

մենայն բարեաց կենաց և ոչ չարեաց: Գտեալ սար և
կտաւ՝ արար անօթս պիտանիս ձեռօք իւրովք, և եղեւ
իրբ զնաւ շահարեր. ի հեռաստանէ ժողովէ իւր զանձա:
Յառնէ ընդ արշալուրչս, և տայ կերակուր ընտանեաց,
և գործ նաժշտաց: Տեսանէ զանդ գեղեցիկ՝ և գնէ զնա,
և ի սրտոյ ձեռաց իւրոց գործէ զերկիր: Գօտի ածեալ
հաստատութեամբ ընդ մէջ իւր՝ մխեսաց զրազուկս իւր
ի գործ, և ճաշակեաց՝ զի քաղցր է գործել, և ոչ շիջանի
ճրագ ի նմանէ զամենայն զիչեր: Զձեռս իւր ձգէ յօ-
ղուտ, և զմատունս իւր անձանձրոյթ տայ ի լոյս:
Զձեռս իւր ընդարձակեաց սղքատաց, և կարկառ պը-
տուղ անանկին: Ոչինչ հոգոյ ի տանէ կողմանէ այր
նորս յորժամ ուրեք յամիցէ. զի ամենեքին որ զնովաւ
են, զգեցեալ են կրկին պատմուճանս: Արար առն իւ-
րում բեհեզս և ծիրանիս, և անձին իւրում արկանելիս...
Զրերան իւր երաց չափով և խմաստութեամբ. և կարգ
եղ լեզուի իւրում: Զգորութիւն և զմեծվայելչութիւն
զգեցաւ և ուրախ եղեւ յաւուրս յեափնս: Պարկեշտ են
ճանապարհք տան նորա. հաց դատարկութեան ոչ եկեր:
Եւ սղարմածութիւնք նորա կանգնեցին զորդիս նորա և
մեծացուցին: Եւ այր նորա գովէ զնա և ասէ. բազում
գատերք ստացան զմեծութիւնս. բազումք արարին զօ-
րութիւնս. բայց դու առաւել եղեր՝ և անցուցեր զամե-
նեքումքք: Սուտ հաճութիւնք և ընդունայն զեղ կնոջ
ոչ գոյ ի քեզ. զի կին խմաստուն և բարեպաշտօն օրհ-
նեսցի:—



III
ՀԱՅ ԱՍՏՈՒԱԾԱԹՈՒՆՉ
ԵՒ ՀԱՅ ԾԷՍ



Ա. ՀԻՄՆԱԿԱՆ ՊԱԿԱՍԸ

Միակողմանի և անիրաւ պիտի ըլլար այս հազուադէպ առթիւ, զրադիլ միայն երկրորդական արդիւնքներովը սոյն թարգմանութեան, ու մտնար, կամ չգնահատել էական և անմիջական պտուղը, կրօնական և ազգային:

Հիմնական պակաս մը կար Հայուն կրօնական—ազգային կեանքին մէջ: Սահակ—Մաշտոց դարմանեցին զայն իրենց կոթողային գործով:

Տոմային և օտար բարեպաշտութիւնը արժանաւոր լուսապատկ մը բոլորած է կուսաւորչի շարք: Եւ սակայն կուսաւորիչ դուրի է դիւթող այն հմայքէն, որ կը հասի վարակիչ՝ Սահակ—Մաշտոցէ:

Հողեծնունդն ենք կուսաւորչին, կը հիանանք անոր ազգասիրիկ խոհեմութեան վրայ հանդէպ ազգային բարքերու և սովորութիւններու, որոնք իր շնորհիւ այս կամ այն ձեւի ներքեւ կը շարունակեն ապրիլ ազգին մէջ 1), կը հասկնանք ու կ'արդարացնենք մասամբ ա-

նոր եռանդը — կարծես ապագային — հինը ջնջելու 2): Ան է առաջին օդակը Հայրապետներու շարանին, որ դարէ դար կ'երկարի իրր պահպան ոգին հայ սերունդին: Բայց եւ այնպէս անոր անունը չի՛ պատճառեր այն յոյզն ու խանդը, որ անբաժան է Սահակ—Մաշտոցէ: Կարծես բացակայ է խորհրդաւոր, մտերմիկ զօղը. կարծես լիակատար հոգեկցութեան համար էական տարր մը կը պակսի:

Անա փաստը: Ո՛չ 1902ին և ոչ 1925ին — մերձաւոր դարադարձերը Լուսաւորչի հայրապետութեան երկու եղբներուն 3) —, ո՛չ 90ական թուականներուն — մերձաւոր դարադարձը հայ ազգի քրիստոնէացման 4) —, ո՛չ մին մտարեւեց ոգեկոչել յիշատակը Հայրապետին: Իսկ այսօր: Իսկ 1913ին: Իսկ ամէն տարի Թարգմանչաց տօներուն:

Ինչո՞ւ այս խօրը: Աստուածաշունչ՝ Լուսաւորչի ձեռքը, Աստուածաշունչ և Սահակ—Մաշտոցի ձեռքը — բայց անդունդ մը կայ անոնց միջեւ:

Լուսաւորչին կը պակսէր առինքնող այն երանգը, որով պայծառակերպուած են Սահակ—Մաշտոց:

Ս. Լուսաւորիչ քրիստոնէական կրօն տուաւ ազգին, այն կրօնը որ իրր ճշմարտութիւն անփոփոխ է ամէն մարդու և ազգի համար: Թերեւս չանդրադարձաւ, որ տիեզերական կրօնը ընդունակ էր ազգային սքեմ առնելու, առանց խաթարելու հոգին, այլայլելու հանգանակը: Այդ յանցանքը չէր Սուրբին, չէր արդիւնք չարամիտ չկամէութեան, այլ հեռեւանք մարդկային սահմանաւորութեան և աննպատ պայմաններու: Բայց այդ պակասը ծանրացաւ անուրի նման Հայ ազգին վրայ մէկ դար ամբողջ:

Ապերախտ դատախառութիւն չէ նպատակ:

Երախտապարտ ենք Լուսաւորչին: Կը կրենք Անոր անունը, կ'աղօթենք, կը պատարագենք, կը ժամասու-

ցենք յիշելով միշտ Անոր անունը: Բայց իրր պատմական իրողութիւն, իրր բանալի մեր Դ. և Յ. դարու պատմութեան, պարտինք ի վեր հանել ազգային, սոսմային դժին պակասը Լուսաւորչի գործին մէջ: Չունինք հայերէն աղօթք մը, հայերէն բառ մը, զոր կարենանք վերագրել Ս. Լուսաւորչի առանց բախելու բանասիրութեան հարցական շեշտին 5): Երբ անոր հայերէն գիտնալն անգամ կարօտ է ապացուցուելու 6), երբ իր օգնականները օտար դատախառութիւն և կրթութիւն ստացած անձեր էին 7), դարմանալի չէ որ ի վիճակի եղած չըլլայ նորադարձ ժողովուրդը ու նորակազմ եկեղեցին օժտելու հայ ծէսով, հայերէն ծիսարանով ու պատարագամատոյցով 8):

Այո՛, անհրաժեշտ է ընդունիլ, որ հայերէն էր կենդանի քարոզը 9): Մանաւանդ յաջորդներու օրով հայերէն ևս կ'աւանդուէր քրիստոնէական վարդապետութիւնը, կը մեկնուէին Աւետարանները, հայերէն կը սերտուէին աղօթքներ ու սաղմոսներ: Ժողովուրդ մը որ կարող է դիւցազնավէպեր փոխանցել սերունդէ սերունդ առանց զրի 10), անատակ չէ նաև կրօնական երգեր իւրացնելու և պահելու իրր ընտանեկան ստացուած: Բայց հեթանոս վէպերով անած ժողովուրդի մը երեւակայութիւնը այնքան հլու ընդունարան չէր քրիստոնէական կրօնի սաղմոսներուն: Ի զուր էր առանց զրի ու զրականութեան դիցապաշտ Հայու միտքն ու յիշողութիւնը տեւականօրէն կապտելու ամէն փորձ:

Բ. ՈՍԿԵԴԱՐԷ ԱՌԱՋ ԳՐԱԿԱՆՈՒԹԻՒՆ

Եւ անա պակասին հիմնապատճառն ու մեկնու-
թիւնը. Լուսաւորիչ տուաւ քրիստոնէական կրօն,
չտուաւ հայ ծէս, զի Հայը չունէր գրականութիւն մինչև
մօտաւորապէս 405—415: 11)

Այս իրողութիւնը յեղաշրջելու բացարձակապէս
անղօր են այս կամ այն բանասէրին կարծիքը 12), քա-
նի անոնց կուռան չեն յուշարձաններ, մագաղաթներ,
որոնց առջեւ ամէն առարկութիւն կարկի:

«Ձենք կարող ըմբռնել — կ'ըսեն — Սահակ—Մաշ-
տոցի գործին կատարելութիւնը առանց նախընթաց աս-
տիճանական զարգացման»: «Ուստի՞ այս լեզուն, կը
հարցնեն, եթէ ոչ երկարամեայ գրական փորձերով» 13):

Զարմանալի փաստարկութիւն: Փոխանակ հայ
հանճարին մէջ փնտռելու մեկնութիւնը մեծ գործին, կը
զիմեն ճրի ենթադրութեան, ու չեն նկատեր կնճիւղը,
գոր կը բարդեն: Եթէ Ե. դարը զժուար ըմբռնելի է ա-
ռանց Դ. դարու գրականութեան, Դ. դարու գրականու-
թիւն մը աւելորդ պիտի դարձնէր Ե. դարու գործը, չը-
քացնելով զայն արտադրող պատճառը: Որովհետև Դ.
դարը զուրկ էր գրականութենէ, ճիշտ այդ պատճառաւ
ցաւազին կարիքը գրականութեան՝ Ե. դարուն: Կարի-

քը—ինչպէս ամէն տեղ ու ժամանակ— մղեց հանճարը
դէպի դարձ:

Հայ կարիքի և հայ հանճարի մէջ է Ե. դարու
մեկնութիւնը և ոչ թէ վարկածներու:

Բայց եթէ չկար ընդարձակ գրականութիւն, կար
անպայման գտնէ թարգմանութիւն Սաղմոսներու, Աւե-
տարաններու 14), ուստի սաղմոսային ծէս մը:

Վարկած մը, փորձ մը ևս, Ե. դարը փոխադրելու
Դ. դար, գտնէ մասամբ: Ի նպաստ վարկածին ոչ մէկ
փաստ, ոչ մէկ նշխար, ոչ մէկ բեկոր հատուկաբար: Իսկ
հակառակ անոր՝ Սահակ—Մաշտոցի գործին կենսական
անհրաժեշտութիւնը Ե. դարուն, ժամանակակիցներու
բացայայտ վկայութիւնը 15): Առեղծուած է ինձ մտայ-
նութիւնն անոնց, որոնք անպայման աւելի կ'ուզեն
զիանալ քան Կորիւն մը, Փարպեցի մը, ունին մարմաջ
մը ախնաստեաներ սրբազրելու, և անոնց տեսածին, ըզ-
գացածին և կրածին կը հակադրեն իրենց ցնորքները:

Եթէ կոր թարգմանութիւն մը, ո՛ր էին գրերը:

Պահրաւերէն, ասորերէն, յունարէն գրերը — կը
պատասխանեն ոմանք զգոյշ չհաստատուլ իրենց ա-
ռաջարկին հնարաւարութեան 16):

Պատմութեան մը հնարաւորութիւնը ապացոյց չէ
իրականութեան, բայց սքմբարելին՝ փաստ է չիրակա-
նութեան 17):

Աւելի խիզախ են ուրիշներ, որոնք Դ. 18), նոյն
խոյ Դ. դարուն 19) հայ գրեր կ'ընդունին հակառակ
քարերու և մետադներու սառն լուծութեան: Յիշե՛մ զա-
ռանցանքը միոյցքէ տարուածի մը, որ կը թշնամանէ,
կը վարկարեկէ Սահակ—Մաշտոցի գործը, յանուն այդ
անգոյ զրին ու գրականութեան: «Սահակ—Մաշտոց
արժանի չեն իրենց վայելած համբաւին» — կ'ըսէ ան.
«230է յառաջ արդէն գոյութիւն ունէր զիր և թարգ-
մանութիւն Ս. Գրոց: Մաշտոց՝ սրբազրած, այսինքն

վատթարացուցած է զայն» 20): Չ'արժևր պատասխանել: Ընդունինք բոլի մը զոյուեթիւնը զրի ու է ձեւի տակ: Սակայն ան յայտնապէս այնքան անբաւական էր, որ հաւատար էր չզոյուեթեան:

Յիրաւի, ի՞նչ զիր ու գրականութիւն էր որ չկարողացաւ Լուսաւորիչը գրգել հայ դպրոցներ բանալու փոխանակ յոյն դպրոցներու 21), որ անկար էր խափանելու օտար ծէս ու լեզու հայ եկեղեցիներու և օտար գրերը հայ գիւանատան մէջ 22):

Ի՞նչ զիր ու գրականութիւն էր, որ թոյլ կու տար Ներսէսի մը՝ ասորական դպրոցներ կանգնելու հայ մանկաւոյն համար 23), ու Պատիկ նման աղագային թագաւորի մը յունարէն գրով ու լեզուով արձանագրութիւն գրոյմելու 24): Ուստի, կա՛մ այդ զիրը եղջերուաքաղ է կա՛մ Ներսէս՝ հայագաւ աղագատեաց մը:

Ի՞նչ զիր ու գրականութիւն էր, վերջապէս, որ Մաշտոցի նման հանճարի մը տեսութիւնէն իսկ վրիպած՝ չէր կարող ամօքել անոր հոգեկան առաւապանքը, որ կը հիւծէր զինքը ի տես այն հոգեկան ու մտաւոր թշուառութեան, որ արդիւնքն էր զրի ու գրականութեան պակասին 25): Մաշտոց անգամ յոյն դպրոցներ կը կանդնէ ի սկզբան 26), ընձեռելով մեզ անվկանդ փաստը հայ գրի ու գրականութեան չզոյուեթեան:

Եթէ սովայն անպատճառ կ'ուզէք, կա՛ր, ա՛յո, զգրականութիւն նախամաշտոցեան Հայու խելքով ու ձեռքով, բայց, ախո՛ս, օտար լեզուով ու գրով 27): Ու այդ՝ չզոյուեթիւն կը նշանակէ հայ աղագային տեսակէտով: Ոչ մէկ դարման, ոչ մէկ լոյս, ոչ մէկ սփոփանք նման գրականութեանէ, ինչպէս ժամանակակից հայացեղ աստղերը ամերիկեան կամ ֆրանսական երկնակամարին վրայ անարժէք են հայ մշակութային համատեղութեան համար: Անոնցմէ ոչ մէկ նշոյլ կ'իյնայ մեր ստուերոտ ճանապարհին վրայ:

Գ. ԾԷՍ ՍՏԵՂԾԵԼՈՒ ՓՈՐՁԵՐ

Չէի՞ն եղած գոնէ փորձեր հայ գիր ու ծէս ստեղծելու: Անտարակոյս եղած էին: Միակողմանի և նապատակաւոր փորձեր, որոնք հայ հանճարի շունչով չէին բեղմնաւորուած: Փորձեր՝ ոչ իբրև հայ վէրքին դարման, այլ իբրև զէնք ի նապատ օտարամուտ այս կամ այն տարրին: Հայ եկեղեցական և աշխարհական պատմութիւնը Գ. դարուն երկու բեւեռներու վրայ կը դաննայ, յունական—Լուսաւորչէ մինչև Սահակ— և ասորական—Ագրիանոսէ մինչև Արգիշոյ 28): Իրարամարտ կողմերը լաւ զիտէին, թէ յաղթութիւնը անո՛ր պիտի ժրպտէր, որ կը յաջողէր իշխել եկեղեցւոյ և դպրոցի: Ու չէին անզիտանար վճռական դերը գրերու և ծէսի, եթէ իրենք զայն իրականացնէին: Ասորական կուսակցութիւնն ունէր իր գրերը 29), ունէր թերեւս նաև յունականը: Բայց երկուքի գրերն ալ սաղմնային վիճակի մէջ: Հայ հանճարը, որ զիտեց զանոնք ոչ թէ ասորի կամ յոյն ակնոցով, այլ հայ աղագային աչքով, ճանչցաւ անբաւականութիւնը և տուաւ մոռացութեան 30): Օտարի՛ ձեռնարկ, օտարի՛ շահին ծառայոյր:

Չուր ջանք է ուրեմն հայ գիր ու ծէս որոնել Գ. դարուն:

Աղէտայի էին այդ պակասին գործած աւերները: Ընչա՛ այդ պատճառաւ թերի մնաց Լուսաւորչի առա-

քերական ձևաձևարկը ու չէր կարող գիմանալ ո՛չ դարև-
րու մաշող ոյժին և ոչ հայ հեթանոս հոգւոյն ընդդի-
մամարտութեան: Հայոց դարձը ո՛չ տարածութեամբ,
ո՛չ խորութեամբ ամբողջական էր: Թերին փոխանակ
տակաւ չքանայու, զօրացաւ: Փոխանակ յառաջգիմու-
թեան՝ նահանջ, փոխանակ վերելքի՝ վայրէջք քրիստո-
նէական կրօնի: Աս՝ սեպ մ՛ըն էր, խորթ մարմին մը՝
մխուած հայ հեթանոս հոգւոյն մէջ: Զուլումը, նրմա-
նափոխումը, հայ հոգւոյն ու սրտին քրիստոնէացումը
տեղի չունեցաւ, զի հեթանոս հոգին համակ հայ էր, իսկ
նոր կրօնին հայանապատ և ազգայէն տարրները չյայտ-
նաւեցան իրեն: Թէ քրիստոնէական կրօնը նաև ազգա-
յինը կը մշակէ, կ'ազնուացնէ, թէ ազգերու բնորոշ գը-
ծերը այդ կրօնով չեն ջնջուիր, թէ ան թշնամի չէ մայ-
րենի քաղցր լեզուին, թէ նոր Աստուածը իրենց լեզուն
ևս կը հասկնայ, — այս ամէնը անձանօթ պիտի մնար
հայ ժողովուրդին, ցորչափ ան ստիպուած էր օտար ծէս
ու լեզու կիրարկել հան, ուր իր սիրան ու հոգին է որ
պիտի խօսէին մտերմիկ: Հայը չթափանցեց քրիստոնէա-
կան կրօնի ծալքերուն: Հայ ըզնի ու սիրտը կ'ըմբոս-
տանար կրօնի մը դէմ, որ կարծես Հայուն կը զլանար
գոյութեան իրաւունքը: Քրիստոնէական գաղափարնե-
րը, հաւատքն ու բարոյականը, չդարձան սեփականու-
թիւն հայ մտքին ու սրտին:

Այսպէս է մարդ: Հոգւոյն թափանցելու համար
լեզուի կը կարօտի: Գաղափարներու, գերզգայական գա-
ղափարներու վերանայու համար՝ բառերու, հարստացա-
ւածանի բառերու սանդուղը կ'սրանէ: Առանց լեզուի
փակ է հոգին, առանց բառերու՝ թեւատ է միտքը: Իսկ
զիրը մնայուն և ազգու գործիքն է բանասիրն թափելու,
սանդուղը կազմելու: Զուրկ այդ գործիքէն՝ Դ. դարու
Հայը չկրցաւ ըլլալ բաժանորդ նոր կրօնին գանձերուն
և օրհնութիւններուն: Քրիստոնէական կրօնը եղաւ լսկ

բուռք, փոխանակ ուժանակի, թթխմորի: Ռամիկ դան-
դուածը ինչպէ՞ս կապուէր իր չհասկցած կրօնին, երբ
արքունիքն անգամ կը դրժէր անոր սկզբունքներուն:
Չէին պակտեր ամբողջ գաւառներ ու ժողովրդական
խաւեր, ուր քրիստոնէութիւնը իրրեւ չպար անգամ
մուտ չէր գտած և հեթանոսութիւնը կ'իշխէր միահե-
ծան: Ասանց հանդէպ, Լուսաւորչէ 100 տարի վերջ՝ Մաշ-
տոց մը իրրեւ երկրորդ լուսաւորիչ ստիպուած էր երե-
ւան գալ:

Դ. դարու այս վիճակին հաւատարմօ պատկերը կը
դժէ Բիւզանդ 31): Ոչ կատարեալ հեթանոս, ոչ կատար-
եալ քրիստոնեայ, ոչ կատարեալ օտար — յոյն, ասորի
կամ պահլաւ — ո՛չ կատարեալ հայ — անա այն ախեղձ
վիճակը, որուն յանդած էր ազգը, թէև փառաշուք
դէմքեր չէին պակտեր իրր բացառութիւն: Ու ախեղձ
վիճակը տեւական չէ կարող ըլլալ: Պառակտում, քայ-
քայում բնական և հարկադրական հետեւանքներ էին:
Մահ կամ նոր կեանք կախում ունէր ոյժերու գերակը-
չիւ համախմբումէն: Եթէ հնարաւոր ըլլար համակ քը-
րիստոնեայ ոյժը զուգել համակ հայ ոյժին, եթէ դըտ-
նուէր միջոցը այդ եզրները այնպէս ձուլելու, որ քրի-
ստոնէութիւնը թօթափելով իր օտարութիւնը՝ հայանար,
— պահելով անփոփոխ իր խորքն ու անյեղլի ճշմար-
տութիւնները, — և Հայը քրիստոնէանար լեզուով, մըտ-
քով ու սրտով, անա այն առնն պիտի կազմուէր ան-
վիճակ պատուարը: Օտարը պիտի չյանդգնէր այնուհե-
տեւ մեղմէ լեզու և ազգութիւն խլել յանուն կրօնի, և
ազգութիւնը պիտի չօգորէր կրօնի դէմ յանուն ազգա-
յին արժէքներու: Համակ քրիստոնեայ — համակ հայ —
այդ բանաձևէն մէջ էր հին վերքին դարմանը և զայն
իրականացնողին էր յաղթութիւնն ու սպառան:

Դ. ՍԱՀԱԿ — ՄԱՀՏՈՅ ՈՒ ՀԱՅ ԾԷՍԸ

Ու հոս կը հանդիպինք Սահակ — Մաշտոցի
 Լուսաւորչի և Սահակ—Մաշտոցի ազերսը հակա-
 դրութիւն, հակասութիւն չէ, այլ լրացում, ամբողջա-
 ցում, կատարելագործում: Նոր կրօն մը չէր որ սկիզբ
 կ'առնէր, Սահակ—Մաշտոցով: Ո՛չ: Հինն էր, բայց նոր
 տարազով ու սքեմով: Գարեբը պարաւանդող հոգեկան
 կապը չէր խզուեր: Անփոփոխ կը մնար հաւատարմութե-
 րու գումարը— նուիրական աւանդը Լուսաւորչին—, կը
 փոխուէր լեզուն, որ, այս անգամ, Հայունն էր, Հայու
 սրտին ու հոգւոյն խօսող: Հակացողութիւնն ու ջերմիկ
 սէր խափանող օտարութիւնը տեղի կու տար տոհմայի-
 նին: Քրիստոնեանն ու Հայը իրարու ձեռք կը կարկա-
 սէին և անոնց սիրազեղ զրկախառնումէն կը ծնանէր
 մարդը, որ համակ քրիստոնեայ և հայ էր միանուսոյ:
 Վերածնունդ էր այդ կրօնական և ամենալսեմ ծնունդ
 մը ազգային:

Ի՞նչ էր Սահակ — Մաշտոցի այդ դործը, որ կու
 դար յեզաշրջել Հայուն անհատական եւ ազգային գրոշմն
 ու ճակատագիրը, հոգեկան բովանդակութիւնն ու նը-
 կարագիրը: Այն, ինչ որ կը պակսէր Դ. դարուն. Գրա-
 կանութիւն, Հայ Աստուածաշունչ և անոնց ամէնէն

անմիջական պտուղը՝ Հայ Ծէսը: Այս է առանցքը ազ-
 գային ու կրօնական նոր շարժումին, զսպանակը նոր
 ժամանակին, զազանիքն անոր յաջողութեան:

Զայն հասկնալու համար հարկ է փոխադրուիլ Ե.
 դար և կրօնի ու ծէսի տալ այն տեղն ու դերը, որ ա-
 նոնց կը պատշաճէ: Անոնք, որոնք մտքի, ճաշակի կամ
 ստամոքսի ախտով ցաւազար՝ կրօնի և ազգի մէջ թոյն
 կը տեսնեն, պիտի չկարենան երբեք գնահատել ո՛չ Ե.
 դարը և ո՛չ ժե. դարագարծը: Անոնց աչքին՝ Սահակ—
 Մաշտոց ոճրատարա թոյն խառնողներ են, զի կը յղա-
 նան և կ'իրականացնեն զազախարը՝ կրօնն իր արտա-
 քինով ազգայնացնելու և ազգասիրութիւնը կրօնական
 արժէքի—առաքինութեան— վերածելու:

Յաջողեցան հակայական ձեռնարկին մէջ, ուր ի-
 րարու հետ կը մրցէին թափանցող միտքն ու պողպատ-
 եայ կամքը, հմտութիւնն ու ճաշակ, սէր կրօնի և ազ-
 գի: Անհնար է չափազանցել զժուտութիւնն ու կա-
 տարելութիւնը, կարեւորութիւնն ու նշանակութիւնը
 Սահակ—Մաշտոցի դործին: Ոչ թէ որովհետեւ անոնք
 Աստուածաշունչը հայացուցին մագաղաթի վրայ: Ան-
 շուշտ մեծ է նոսե այդ առանձինն, և յիրաւի առարկայ
 դարձած է բանասիրական, քննական, լեզուական խու-
 զարկութեան և գնահատումի (32): Եւ սակայն կը յան-
 դըզնիմ՝ սովորաբար յետիններուս տեսութեանէն վրիպած
 բայց ճշմարտութեան բոլորովին համապատասխան սա-
 յայտարարութիւնն ընել, որ Աստուածաշունչի թարգ-
 մանութիւնը, եթէ մնար մագաղաթի վրայ, պիտի պա-
 հէր թէ և իր ներքին յատկութիւնները, բայց պիտի չխա-
 դար բախտորոշ դերը որուն համար Սահակ—Մաշտոց
 լծուեցան աշխատանքի: Խնամարհինք այդ մագաղաթ-
 ներուն տաջեւ, բայց մեր հիացումը նուիրենք հանճա-
 րեղ այն միջոցին, որով Սահակ—Մաշտոց մագաղաթ-
 եայ մեռած թարգմանութիւնը փոխադրեցին հոգիներու

մէջ կենդանացուցին, ոգեւորեցին, ազգին սեպհակա-
նութիւնը դարձուցին: Ի՞նչ միջոցով: Դպրոցով: Անտա-
րակոյս, քանի որ դպրոցական ուսուցման էական ա-
ռարկան էր Ս. Գիրքը 33): Գիտենք թէ Հայերը դուն-
դազունդ կը գիմէին դպրոց և իրենց յիշողութեան կը
յանձնուէին Աստուածաշունչի հոգեշունչ խօսքերը: Բայց
այդ դպրոցները անասան կուտան չէին: 451ին արդէն
կը չքանան 34): Բայց Սահակ—Մաշտոցի գործը պէտք
չէր չքանալ: Ու անոնք յանձնեցին Աստուածաշունչը ոչ
թէ լոկ մագաղաթներու, ոչ թէ լոկ դպրոցներու, այլ
ժողովուրդի ամէնէն կենսական, տարերային պահանջին
—կրօնը իբր համայնք արտայայտելու, վերսպրելու
պահանջին—ծէսին: Սահակ—Մաշտոց իրենց Աստուա-
շունչը անմահացուցին ՀԱՅ ԾԷՍով:

Այն էր Կուսաւորչի Գ. դարու էական թերին: Միեւնոյն եկեղեցին, միեւնոյն վարդապետութիւնը, մի-
եւնոյն հայրապետական և եպիսկոպոսական աթոռ —
սակայն առանց ՀԱՅ ԾԷՍի, այսինքն առանց հայ պա-
տարագի, հայ ժամասացութեան, հայ խորհրդատու-
թեան, իրարմէ այնքան տարբեր են, որքան օտար եւ
ընտանի:

Ե. ՀԱՅ ԾԷՍԻ ԱՐԺԷՔԸ

Սահակ—Մաշտոցի հանձարին գործնական կողմն էր:
Հայ ծէսի ժե. դարադարձն ալ պէտք է տօնենք
Աստուածաշունչի հետ համաքայր:

Հանձարեղ էր թարգմանութիւնը, — հանձարեղա-
զոյն այդ թարգմանութիւնը կենդանի ստացուածք
դարձնելու դադափարն և իրագործումը հայ ծէսով:
Դպրոցներէն ամէնէն պերճախօսը, համոզիչը:

Հայ ծէսով Սահակ—Մաշտոց կը յայտարարեն
բարձրարարած, թէ իրենք Աստուածաշունչը թարգ-
մանած են ոչ թէ զրադարաններու, ոչ թէ զխտունե-
րու համար, այլ ժողովուրդին՝ զոր կ'ուզեն հոգևով ու
ազգով փրկել: Ու ժողովուրդին հաւատքին ու սիրոյն,
ժողովուրդին ուժեղ պաշտպանութեան ու պահպանու-
թեան կը յանձնէին իրենց Աստուածաշունչը հայ ծէսով:
Առանց հայ ծէսի մը ժողովուրդին համար աննպատակ
Աստուածաշունչը՝ Հայ ծէսով կը գրուէր ժողովուրդին
լեզուին ու շրթունքներուն վրայ, և անտի կ'անցնէր
հոգւոյն ու սրտին:

Եթէ Աստուածաշունչը վճիտ ակն էր գերդասյա-
կան ու յայտնեալ ճշմարտութիւններու, հայ ծէսը մա-
քուր առուակն էր, որ անկէ բխելով կը հոսէր դէպի
ժողովուրդ, կը հայթայթէր տեսանելի ու խորհրդալից
պատկերները ճշմարտութիւններու և այնու մատչելի կը

գարձնէր զանոնք աղնուականին ու ոստկին, գրադէտին և անդէտին: Հայ ծէսի մէջ ժողովուրդը իր կրօնը կը շօշափէ, կը տեսնէ, կ'ապրի:— Նոր և կենդանի շաղախն էր ընդ մէջ ազգին և Աստուածաշունչին: Հայ պատարագով, հայ ժամերգութեամբ, խորհրդոց հայերէն մատակարարութեամբ՝ Աստուածաշունչն էր որ նորանոր ձեւերով, տարւորիչ արարողութիւններով կը թարգմանուէր, կը մեկնուէր, կը հայացուէր: Զի ծէսին էական ու կեդրոնական մասն է Աստուածաշունչը:

Հայ ծէսով սնած զարգացած Հայը՝ մինչև ուղը սփռներու, մինչև թագթագուր խորշերը հոգւոյն քրիստոնեայ էր և հայ: Ու տեսէք, անազին, անգնդային խտիրը Լուսաւորչի և Սահակ—Մաշտոցի գործերուն: Լուսաւորչի կրօնը կարելի էր ուրանալ ազգի և լեզուի պատրուակով: Սահակ—Մաշտոց կը չքայնեն այդ պատրուակը: Կրօնը բացի իր ներքին արժէքէն, ազգային ու լեզուական գանձ մը կը դառնայ: Շնորհիւ ծէսի կարելի չէ այլևս յանուն ազգութեան կրօնի դէմ մարտնչիլ ու յանուն կրօնի՝ ազգին դէմ: Թշնամին անդամ պիտի չկարենայ բաժնել, և պիտի ջանայ կրօն և ազգութիւն մէկ հարուածով ջախջախել: Այդ սերտ միութիւնը որ թէ՛ կրօնի և թէ՛ ազգին անջափ նպաստեց, հայ ծէսով կերտուեցաւ:

Սահակ—Մաշտոց հայ ծէսով ազգին տուին նոր դէմագիծ, անոր նկարագրին՝ նոր երանգ: Հայ ծէսի մէջ մխրճուած են հաստարեատ արմատներն հայ կրօնասիրութեան և ազգասիրութեան— անվկանդ հաւատք առ Աստուած և անվեհեր սէր ազգին: Դարերու ժանիքը, դուժերու սուրբ, խուժերու հալածոնքը, թուրերու բռնաջինջ աւերը՝ կրնային փճացնել մագաղաթեայ Աստուածաշունչներ, բայց ոչ երբեք կենդանի հայ ծէսը և անոր շաղկապուած հայ կրօնասիրութիւնն ու ազգասիրութիւնը: Եւ ո՞վ կրնայ թուել հոյն առաքինու-

թիւններու, որոնք հայ ծէսի բուրաստանին մէջ, Աստուածաշունչի ճառագայթներուն ներքին իրրեւ ծաղիկներ պիտի փթթէին բուրումնաւէտ: Մանաւանդ արիւթիւն և անձնուիրում, փութաշանութիւն և հաւատարմութիւն: Սահակ—Մաշտոց լիութիւն վերահաս իրենց գործին կարեւորութեան, հետեւելով նաև ընդհանուր քրիստոնէական աւանդութեան, Հայ Մէսի Աստուածաշունչ չըջանակին մէջ զեանդեցին հայութեան ամբողջ կեանքը, Հայուն առաւօտն ու երկուն, աշխատութիւնն ու հանդիստը, խաղաղութիւնն ու պատերազմը: Հայ ծէսը կ'ընկերանայ Հայուն նոյն իսկ պատերազմներուն— մահացու թշնամին դպրոցի և գրականութեան— ճակատամարտերու, օտարութեան ու գերութեան մէջ, աքսորի և անապասներու մէջ ու կը շարունակէ կրօնական և ազգային դաստիարակութիւնը:

Մէսը, ծխական ազօթքը, անհաշտ թշնամին էր ամանումի, պառակտումի, մեկուսացումի— Եսին: Ան յաղթանակն է գերբնականորէն օծուն հաւաքական գաղափարին,— իրագործումը միաձոյլ, միասիրտ, միախորհուրդ ՄԵՆՔԻ: Այդ ՄԵՆՔԻը գոյութիւն ունէր իբր ցեղ— արդիւնք մարմնական ծանուցիչներու—, իբր ժողովուրդ— արդիւնք բարուց և մշակոյթի—, բայց իբր ազգ, որ զխտակից իր ինքնութեան՝ կ'ուզէ իբր մէկ մարմին ապրիլ և առ այդ ի հարկին զտնաբերել, իբր ազգ՝ զանազան ցեղերէ ու տոհմերէ բաղկացած հաւաքական Մենքը Ե. դարուն կ'ամբասնդուէր նոր ու սերտ զօրով մը, ներկուռ և ներուժ կը դառնար, այնու որ մէկ հաւատք, մէկ յոյս, մէկ սէր, մէկ կարօտ Ամենակալին առջև կը հանուէր ոչ թէ օտարարուն բաւերով ու բարբառներով, ոչ թէ եսերու աններգաշնակ խառնակութեամբ, այլ միալիզու, միահոգի Մենքովը Հայ ծէսին: Ազգ, Հաւաքականութիւն, Մենք— բնագանցական բովանդակութիւն և կրօնական նուիրակնութիւն

կը ստանային Սահակ—Մաշտոցի ծէսին մէջ: Երբ ժողովուրդը իրր մէկ անձ, մէկ մարմին, մէկ բերան իր ներքին յոյզերը կ'արտայայտէր, ծխակոսն աղօթքը արձագանգ կը գտնէր հոգիներու մէջ ու կը շարժուէր զանանք աւելի վսեմ բանով մը քան արիւն, մորթ ու մազ: Կ'երեւակայեմ այն բողբոջն, անչափ հանդիսական և հոգեցունց, երբ առաջին հայ պատարազին — Սահակ — Մաշտոցի սակեղենիկ պատարազին — առաջին հայ ժամերգութեան միջոցին, հայ տաճարը թնդաց ցնծութեան և զոհութեան ձայներովն այն նոր Մենքին. «Օրհնեմք զՔեզ, և զսլեմք զՔեզ, զոհանամք Տէր զՔէն»: Ասորէոյն և Յոյնին յաջորդող այս յաղթական ու հաւաքական աղօթքը — յաղթութիւն էր և ծնունդ: Ծընունդ նոր ազգին: Եւ այսպէս կ'անուամ Մենքը — սրուն աղօթքը յաղթական զիտակցութիւն էր — պիտի կարենար ծառանալ իրր մէկ մարդ նաև Օտարին դէմ, երբ ժամը հնչէր:

Զ. ՀԱՅ ԾԷՍԻՆ ԱՐԴԻԻՆՔՆԵՐԸ

Սահակ—Մաշտոց իրենց գործով — Հայ Ծէս — ազգին մերձաւոր և հեռաւոր ապագան նախանկարեցին: Եթէ Ե. դարու առաջին կէտը, հայ զրի ու զըրահանութեան դասական շրջանն է, Ե. դարու երկրորդ կէտը դասական շրջանն է հայ զէնքին: Ու այդ երկուքը իրարու կապուած են պատճառական աղերսով: Մին միւսէն ըխց հոգեբանական հարկադրութեամբ: Սահակ—Մաշտոց կերտեցին Մենքը, որ ուղեց իր ինքնութիւնը պահել ու և է թշնամույ դէմ: Օտարութի և օտարացնող զրին դէմ՝ զիր կերտեցին, Աստուածաշունչին դէմ Աստուածաշունչ, ծէսին դէմ ծէս կանգնեցին: Ու երբ թշնամին զէնք շարժէր, օտարացնելու ձգտումով, զէնքին դէմ զէնք պիտի դարձնէր, ու դարձնեց Հայ ծէսով թրծուած այդ Մենքը: Ազգը արիւնակցութիւն է և բան մը աւելի. լեզուակցութիւն է և բան մը աւելի: Եւ այդ զերակչիւ աւելին — կամքն է վճռական, հասուն՝ ապրելու, բարգաւաճելու: Եւ ապրեցաւ իրր ազգ: Այդ կամքը հասունցաւ, երբ Մենքը մարմին առաւ Սահակ — Մաշտոցի գործով: Անհար է թէ երկար սպրի ազգ մը, երբ չքանայ կամքը ապրելու: Անհար է թէ չքանայ կամքը, ցորչափ կ'ապրի հայ ծէսը՝ ծնողն այդ կամքին: Աստուածաշունչ հայ ծէսով՝ սակզնց ազգային ինքնարդութեան նոր արտոյտ մը: Ի՞նչ կը կարծէք թէ

եղած ըլլայ Դ. դարու Հայուն հոգեկան արամադրութիւնը, երբ իր մայրենի լեզուն արտաքսուած կը տեսնէր նուիրական վայրերէ, աստուածային սեղանէն: Պիտի չխորհէր, թէ ինքը բարբարոս է, բարբարիկ իր լեզուն, թէ Աստուծոյ և Քրիստոսի հետ խօսելու համար իր լեզուն բաւական նուրբ ու սուրբ, օծուն ու ճկուն չէ: Ի՞նչ անազին ճնշոց էր դա, ի՞նչ կաշկանդում ազգային ինքնագիտակցութեան և ինքնարգութեան: Ասորախօս կամ յունարան եկեղեցիները Հայաստանի պարսաւի, անարգանքի, արհամարհանքի կրթողներ էին՝ ուղղուած հայ լեզուին և այդ լեզուն խօսող ազգին: Մտրուկի հոգեբանութիւն կը ներարկէին անոնք, և ըստրուկի բռունցքներ կը կերտէին իրենց դէմ:

Սահակ—Մաշտոցի Աստուածաշունչն ու ծէսը յեղաշրջեց զիրքը, պարտադրեց նոր դասաստաններ: Հայ ծէսով կը փչուէր ճնշոցը, ամենալաշն ասպարէզ կը ստանար ազգային ինքնարգութիւնը, զի հայ լեզուն կը նուիրագործուէր, կը սրբանար: Այնուհետև հայերէնը լեզուն էր ոչ լոկ շինականին, ուսմկին առօրեայ կեանքին, այլ հայ ծէսով՝ լեզու նաև Հայրապետին, ամենալսեմ բողեներու մէջ և նիւթերու համար: Հակասութիւնը ընդմէջ ազգային—աշխարհիկ և կրօնական լեզուի՝ տեղի կու տար ներդաշնակութեան: Մէկ լեզու՝ եկեղեցիէ ներս ու դուրս: Նոյն մայրական բարբառը Փրկչին և Առաքելոց, Մովսէսի և Մարգարէից բերնէն: Տոհմիկ մտերմիկ էր այլևս կրօնի լեզուն, այնպէս ինչպէս հողն ու ջուրը: Ուրեմն Քրիստոս չէր մերժեր ունկնդրել հայ լեզուի: Ապա՝ ոչ թէ ամօթով և խուլ դառնութեամբ, այլ սուրբ հպարտութեամբ ու ճակատարաց կը զիմէին հայ եկեղեցի՝ հայալեզու Ազօթքին մասնակցելու:

Այո՛, հայալեզու— լեզուն հայ ժողովուրդին, անոր հասկցած լեզուն, բայց աւելի քնքուշ, աւելի կանոնա-

ւոր ու յղիւած: Մասակարարուած խորհուրդներուն, քարոզուած ճշմարտութիւններուն հետ լեզուն ինքնին հրաւէր էր ժողովուրդին՝ աղնունայրու, բարձրանայրու, ենթարկուելու հեղինակութեան, և օրէնքի մէջ դռնելու ոյժ և ազատութիւն: Իր լեզուն էր, և իրը չէր: Ի՞նչ էր — զի հայ էր— իրը չէր զի դասական էր: Ու ահա եղական հմայքը Աստուածաշունչին և Ն. դարու Հայ ծէսին: Բարբարոս Հայը կը զլէր. կ'անցնէր Յոյնն ու Լատինը: Մինչ անոնց՝ դասականութիւնը հեթանոսական դասու վրայ բազմած կը մնար և քրիստոնէանայրու համար ստիպուած էր լքել զահը ու ռամկանալ ի սէր ճշմարտին ու գեղեցկին՝ որ նոր կրօնին մէջ կը յայտնուէր, հայ լեզուն՝ քրիստոնէութեամբ—կրօններու այդ միակ դասականով— հոյակապ դասականութեան մը կը վերանար:

Ի՞նչ ուժեղ գրգիռ ազգային զխտակցութեան ու ձգիչ խայծ կրօնասիրութեան:

Սահակ—Մաշտոցի լեզուն պիտի լսէին դարեր ու սերունդներ, ու պիտի համկնային զայն եթէ նոյն խակ իրենց առօրեայ բարբառը փոփոխուէր: Անշուշտ դարերը կամ սերունդները չունեցան անոնց դործին հանդէպ յարգանք մը այնքան երկիւղած, որ դուրգուրային ամբողջութեան, նոյն խակ իւրաքանչիւր վանկի վրայ: Այսպէս է որ հայ ծէսը իր դանազան մասերով տուժեց դասական հարազատութիւնը (35): Յաւելումներ, յապաւումներ, նոր խմբագրութիւններ կը պատկերացնեն յետին ժամանակներու, մտքերու, լեզուի վիճակը: Բայց հակառակ այդ նորագոյն պատարագներուն, շարականներուն, քարոզներուն, հայ ծէսի մէջ կը բարախէր սիրտը Սահակ—Մաշտոցեան՝ Աստուածաշունչով եւ ծէսին հայութեան սկզբունքով:

Անփոփոխութիւնը՝ հաւատքին սեպհական է, շարժունութիւնը՝ ծէսի յատուկ է: Բայց շարժունութեան

մէջ հաստատ առանցք մ' ունենալ հայ ծէսի— զեզեց-
կութիւնն է:

Թող շարժի հայ ծէսը դարէ դար, թող ազօթեն ու
երզեն սերունդները— իրենց յատուկ լեզուով, բայց
այդ լեզուն հայ պէտք է ըլլայ, ու այդ հայութեան
մէջ Սահակ—Մաշտոցեան դրօշը ծածանի: Երբ այդ ծէ-
սի մէջ Աստուածաշունչը խօսի, երբ հոգւոյն յոյզերն
ու իղձերը սաղմոսներով պարզուին, այն ատեն ոչ լոկ
սկզբունքն է Սահակ—Մաշտոցեան, այլ նաև լեզուն,
բառերը, ոճը: Եթէ յաջորդ դարերը իրաւունք ունին
ծէսի մէջ գործածելու լեզու մը, որ արժանի է կամ
երկաթ, — ասով կը տարբերին Սահակ—Մաշտոցէն, բայց
իրենց լեզուով պատարագելու և ազօթելու իրաւուն-
քը կը պարտէին Սահակ—Մաշտոցի, և ասով կը միա-
նան Սահակ—Մաշտոցի ոսկւոյն: Իսկ Աստուածաշուն-
չին մէջ Սահակ—Մաշտոց կը պահեն անձեռնմխելի ի-
րենց զերիշխանութիւնը, նոյն իսկ երբ Ս. Գրոց երբորդ
թարգմանութիւն մը կատարուի, պիտի չյանդգնին դայն
ծէսի մէջ մուծել՝ վանելով Սահակ—Մաշտոցեանը (36):
Հայ ծէսով, հայ գիւղացին անգամ կամ մանաւանդ
նա, զոց կը սորվի Աւետարանները, Սաղմոսները— և
երբ յառաջընթացներ ընէ նուիրական գրքէն, պիտի
գնէ մէկ կողմ իւր բարբառը — ևամկօրէն— արեւել-
եան կամ արեւմտեան, լեհահայ կամ հուեղարահայ—
ու պիտի արտասանէ Սուրբ խօսքեր՝ լեզուով մը որ
սուրբ սկի է: Ահա զմայլելի և և խակական անմահու-
թիւնը Սահակ—Մաշտոցի:

Սահակ—Մաշտոց կարօտ չեն մեր փառարանու-
թեան: Դարադարձը ոչինչ կ'աւելցնէ անոնց փառքին
վրայ: Մեր կեանքն է որ նոր աւելչ կը ստանայ կեան-
քի այդ սկէն: Ուստի եթէ Սահակ—Մաշտոցի դարա-
դարձեր կը մաղթեմ, մտածումս ազգին սզղբւած է: Զի
գիտեմ թէ ցորչափ որ Սահակ—Մաշտոց դարադարձեր
կը տօնեն, ազգն է որ կ'ապրի:

ԾԱՆՕԹՈՒԹԻՒՆՆԵՐ

1.— Ազգաթանգեղոս, էջ 623: Լէօ, «Հայոց պատ-
մութիւն», 1917, էջ 566.

2.— Մեհեաններու քանդումը անշուշտ բացար-
ձակ չէր, թէև Ազգաթանգեղոսի նկարագրութիւնը այդ
կարծիքին կը նպաստէ (Ազգաթանգեղոս, 585, 590. Լէօ,
անդ, էջ 566.)

3.— Լուսաւորչի հայրապետութեան երկու եզր-
ներն են մօտաւորապէս՝ 302—325. (Դադրաշեան, Ազգ.
Մատ., հատոր ԻԹ. էջ 5.—Մ. Ա. Օ., Հանդէս Ամսօրեայ,
1909, էջ 198—199. Harnack, „Missionen“, 3, II, 205.
J. K. Kirsch, „Kirchengeschichte“ I, 1930, 431.)

5.— Հայոց պաշտօնական դարձի մերձաւոր ժա-
մանակն է 290—5, Simon Weber, «Die kath. Kirche
in Armenien», 125—7: Ա. Միքայէլեան («Հայ—Բուզան-
դական յարաբերութիւնները, էջ 1—6) կը ջանայ ա-
պացուցանել, թէ Հայոց մէջ քրիստոնէութիւնը պետա-
կան կրօն եղաւ 276ին: Տաշեան (Ազգ. Մատ., հատոր Գ.,
էջ 142—3) 304է ոչ յետոյ կը համարի Տրդատի մկրտու-
թիւնը, մինչ Շփիկէլ (Eran. Altertümer, III, 259—
260) կը ժխտէ Հայոց քրիստոնէութիւնը 313է առաջ,
զի—իւր կարծիքով— միայն կայսրը կրնար այդպիսի
ծանրակշիւ քայլի շարժառիթ ըլլալ: Բայց Սողոմ (Բ. 8)
յատկապէս կը մատնանչէ Հայոց առաջնութիւնը քրիս-

տանկութիւն ընդունելու մէջ, զոր զէնքով իսկ ստաշտպանեցին արդէն 311ին. Եւսեբիոս (Եկեղ. Պատմ., Թ., 8, 2) «Հայը առաջին ազգն էր, որ իբր այսպիսին քրիստոնէութիւնը ընդունեցաւ» Kirsch, անդ:

5.— Գաթրճեան—Տաշեան, «Ս. Պատարագամատոյց», էջ 65. «յովտ մի, որ նշանակեց մի է, չունինք իրմէ մեզի պահուած.» Հացունի («Հայ Մէսր», էջ 25) «Իսկ մեք փառաւորեացուք» և «Աստուած Մեծ» չին Լուսաւորչի ըստ լաւագոյն խորագրոց:

6.— Կրթուած ըլլալով Նեոկեսարիա կամ Փոքր Հայք, կրնար հայերէն սորված ըլլալ և հայերէն քարտզել, կը գրէ Մարկուարտ (Ազգ. Մատ., հատար ԿԸ., 4)

7.— Հացունի, «Դաստիարակութիւնը հին Հայոց քով», Վեներաբիլ, 1923, էջ 152 և յաջորդները, 250 և յաջորդները:

8.— Հայերէն և օտարներէն «Լուսաւորչի» ընծայուած պատարագը Ա. Բարսիլի Ա. պատարագն է (Գաթրճեան, անդ, էջ 163, 179)

9.— Harnack, անդ, էջ 204.

10.— Սովորական երեւոյթ ազգերու մէջ: Հայոց մէջ անդիր էին «Թուերկաց կրգերը», Գաղթն գաւառի կրգերը, ըլլան անոնք կապակցեալ կրկար զիւցազնութիւններ, զեղծոններ. (Յնատէր, Ազգ. Մատ., հատար ԺԷ., 130.— Լէօ, անդ, 518—532)

11.— Hübschmann (Arm. Gram., էջ 6) «Մերոպէ յառաջ ազգային լեզուով զրականութիւն չկար: Մերոպով հնարաւոր եղաւ հայ զրականութիւնը Ե. դարու առաջին կէսէն: Նայնպէս Արեղեան: (Vorfragen zur Entstehungsgeschichte der altarm. Bibelübersetzungen, Marburg j. H. 1906, էջ 24) — Գ. Տ. Մ., (Արարատ, 1896, էջ 31) «Հայերի հին, հեթանոսական գիր և զրականութիւն ունենալը զուր է գալիս մեր ազգասիրութեան, շոյում է մեր սնտիստութիւնը, զնում է մեզ հին լու-

սաւորեալ և քաղաքակիրթ ազգերի շարքը: Մինչդեռ պատմական ճշմտութիւնը բոլորովին այլ կերպարանք ունի»:

12.— Գոլէր («Իրաւունք Հայոց», Ազգ. Մատ., հատար Ա., էջ 9) «քրիստոնէութեան մտէն յառաջ կար զրականութիւն, բայց ասկէ դոյզն հետքեր հասած են մեզի»: Ո՛ւր են այդ դոյզն հետքերը: Տաղաւարեան («Ծագումն Հայ Տառից», էջ 8) գրի գիւտէն յառաջ հայ զրականութիւն կ'ընդունի, բայց «ՁՈՒՆԻՄՓ Ի ՁՆՈՒՆ ԽՈՍՈՒՆ ԱՊԱՅՈՅՅԻ» — Գարրիէլեան (Ազգ. Մատ., հատար ԿԷ., էջ 6) «Մերոպի ժամանակէն յառաջ հայերէն տառեր և գրութիւն եղած է, բայց քիչ և այն քիչէն բան մը ցարդ չէ ելած երեւան» — Գարագաշեան («Պատմութիւն», Գ., 69—71) «գալուցիւն մեր գլխովին սկսաւ բազմօք յառաջ քան զգիւտ գրոյն»:

13.— Տէր Մովսէսեան («Պատմ. Հայ Աստուածաչունչի», ուսերէն, էջ 26) Ե. դարու հրաշալի լեզուն այլ ազգ չի կրնար մեկնել:

14.— Չարրհանաբեան, էջ 215—220. Տէր Մովսէսեան, անդ, էջ 15—27:

15.— Փարսիցի, Ա.ժ. «Պաշտօն եկեղեցւոյ և կարգացմունք գրոց տարի: ուսմամբ վարէին»: Տէր Մովսէսեան կը մերժէ վկայութիւնս, զայն վերագրելով պատմագրին ազիտութեան (անդ, էջ 19—20): Բայց նոյն տեղ կը խստովանի նաև իր ազիտութիւնը: Ուրեմն ազիտութեամբ կ'ապացուցանէ ազիտութիւնը մեր արժանահաւատ և իրազեկ պատմագրին: Կորիւն կը պատմէ, թէ կրը Մաշտոց գրերով կը դառնար Ասորիքէ, կ'ընդունին զինքը «բարբառօք ցնծութեան և երգօք հոգեւորօք», իսկ ապրիններ վերջ, Սահակ—Մաշտոց կը կը թաղէին «Ազգմտիւք և օրհնութեամբ և հոգեւոր ցնծութեամբ»: Արդ, կը հարցնէ Տէր Մովսէսեան (էջ 21) յազիթական, առաջին հանդիպումին ասորերէն, և երկ-

րո՞րդ հանդիպումին միայն հայերէն: Ու կ'եզրակացնէ, թէ Սաղմոսները հայերէն կ'երգեցուէին զրի զիւտէն յառաջ: Սակայն կը մտնայ 35 տարիներու անջրպետը, որ բաւական է ասորերէնէ գէշի հայերէն անցքին համար: Բայ աստի «երգօք հոգեւորօք» չի նշանակեր զբաւոր, իսկ բերանացի աւանդուած երգերու, նաև սաղմոսներու, հնարաւորութիւնը ոչ ոք կ'ուրանայ:— Չափազանցութիւն է սաղմոսներու, նայն իսկ Աւետարաններու կատարեալ թարգմանութիւն ենթադրել, թէև բերանացի եղած հոչակուի ան (Նովա Գասունի, «Ինչէ՞ կը բազմանայ Հայերէն Ս. Գրոց նախամեարտական թարգմանութիւնը», «Կոչնակ», 1929, թիւ 50 և 51): Բայց կան սաղմոսաց զանազան թարգմանութիւններ, կը գիտէ Տէր Մովսէսեան: Հա՞րկ է այդ պատճառաւ Դ. դար փոխադրել թարգմանութիւնը: Երուանդ վարդապետ («Հայ—Սարի յարարերութիւնները», էջ 50—52) իրաւամբ խօսուելու անգամ արժանի չի համարեր ձրի ենթադրութիւնը Սուքիաս վրդ. Պարոնեանի, Կոնիբրիի, Տէր Մովսէսեանի՝ Դ. դարու Ս. Գրքի հայ թարգմանութեան մասին:

16.— Ս. Վէպէր (Die kath. Kirche in Armenien, էջ 394—400) ի զուր կը ջանայ ապացուցանել, որ յոյն այբուբենը գործածական էր հայ լեզուի համար:

17.— Այդ երեք լեզուներէն ոչ մէկը կարող էր հայերէնը գոհացնել. (Հիւրչման, անդ, 1. 5.)

18.— Մառ (Աղգ. Մատ., հատոր է., էջ 15) հաւանական կը գտնէ, որ Հայք զիր ունեցած ըլլան Մեարպէ շա՛ս յառաջ: Ոչ մի փաստ: Վարդան Մեծի խօսքը, զոր հոն յառաջ կը բերէ էջմիածնի մէկ ձեռագրէն (թ. 2282) «Արդար արքա և Թաղէս Առաքեալ . . . թարգմանեցին (զՍ. Գիրս) յատորի զիր և ի լեզու . . . Եւ հայերէն զիր չկար, վասն որոյ ասորի զրով թարգմանեցին» — թէև զուրկ հեղինակութենէ, բայց աւելի

համաձայն է իրականութեան:— Հմմտ. Մինասեան — Թրեաքեան վէճը, «Կոչնակ», 1922, էջ 876, 943, 1110, 1208. Բամաջեան, էջ 1234:—

19.— Յ. Մարթեան, «Երկունք», Ե., 1935, էջ 75. «Գ. դարու սկիզբը սպրած յոյն պատմագիր Փիղոստատոս կը վկայէ, թէ երկրորդ դարուն Հայերը իրենց սեփական զիրն ունէին («Կենցաղ Սպողոմնի», Բ. 2.): Այս տեղիքին համեմատ, Ապոլլոնիոս Տիւանացի իր ճամբորդութեան միջոցին՝ Պամփիլիայի մէջ բռնուած յովազ մը կը տեսնէ տարադէպ մեծութեամբ, պարանոցին՝ ոսկեայ մանեակ մը, որուն վրայ գրուած էր Հայ գրերով. «Թագաւոր Արշակ զից Նիւսիայ»: Այդ միջոցին, կը լուսարանէ յոյն հեղինակը, Հայաստանի թագաւորն էր Արշակ: Զուրկ է ո և է արժանահաւատութենէ տեղիքս: Փիղոստատոսի գրութիւնը նպատակաւոր վէպ մըն է և ոչ թէ պատմութիւն. («Ein philosophisch religiöser Tendenz roman (Stöckl, Gesch der Philosophie 2 219. Zeller, Philosophie der Griechen, III, 1881, 148): Տիւանացեայ ճամբորդութիւնը առասպելային է (Weiss, Weltgeschichte, 2, II, 229—235): Ինչո՞ւ այդ գրերը յովազի պարանոցին կը կառչին առանց ամենազսյզն հետքը թողուլ հոյ գրամներու վրայ: Եւ այդ Արշակը՝ ինչո՞ւ հայ գրով յունարէն կը գրէ փոխանակ հայերէնի: Գոնէ յոյն հեղինակը լեզուն կը լռէ, միայն զերը կը յիշատակէ: Եւ ո՞ւր զետեղելու է այդ Արշակը: Անշուշտ շփոթութիւն կայ թէ՛ թագաւորի և թէ՛ անուան լեզուի, եթէ պատմուածն ընդհանրապէս հիմ իսկ ունենայ:

20.— Մ. Մինասեան, «Նոր կտակարանի Հայերէն նախամեարտական թարգմանութիւնը», «Կոչնակ», 1929, թիւ 25, 26.

21.— Հացունի, «Դաստիարակութիւնը», էջ 85 և յաջորդները. Տրդատ և Լուսաւորիչ զիշերթիկ դպրոցներ կը բանան, ուր կ'աւանդուէր «արուեստ դպրու-

թեան» յունարէն և ասորերէն:

22.— Փարպեցի, Ա. ժ. «Ասորի և յսն զբով վճարէին յայնժամ զգործ թագաւորացն Հայոց արքունի գպիրքն, զվճռայն և զհրովարտակացն ... Պաշտօն եկեղեցւոյ և կարգացմունք զբոց ասորի ուսմամբ վարէին ի վանորեայս և յեկեղեցիս Հայաստան ժողովրդոյս»: Ըստ Մարկուարտի (Ազգ. Մատ., հատոր ԿԷ., էջ 5—6) արեւմտեան Հայաստան յունարէն, իսկ արեւելեան մասի մէջ՝ ասորերէն էր եկեղեցական լեզուն, մինչդեռ գիւանազիտութեան մէջ՝ պարսկերէն (էջ 12—13) էր արեւելեան և յունարէն՝ արեւմտեան Հայաստան: Մաշտոց «յարքունական գիւանին» կը ծառայէ չնորհիւ իր հեղինակութեան. «ի մանկութեան տին վայելեալ հեղինական զարութեամբն (Կորիւն, Վենետիկ, 1893, էջ 13—14):

23.— Բուզանդ, 77. «Կարգէր (Ներսէս) և ի տեղիս տեղիս զպրոցս յունարէն և ասորերէն յամենայն գաւառս Հայոց»:

24.— Lehmann Haupt արձանագրութիւնը գտած է Տիգրանակերտի հիւսիսային դրան վրայ և զայն կը վերագրէ Պապի (Armenien einst und jetzt, I, 410—420): Մարկուարտ («Հանգէս Ամսորեայ», 1916, էջ 94—110) կը կռուի այս վերագրումին դէմ և արձանագրութիւնը հայ հեթանոս թագաւորի մը կ'ընծայէ: Մեր խնդրոյն համար անունը կարեւոր չէ: Հայ թագաւոր մը անշուշտ հայ գիրը պիտի գործածէր արձանագրութեանց մէջ և զրամներու վրայ:

25.— Կորիւն է, որ կը նկարագրէ իր մեծ վարդապետին հոգեկան տառապանքը, որ լսկ կրօնական չէր այլ նաև ազգային իր շարժառիթով:

26.— Հայցունի, «Դաստիարակութիւնը», էջ 191. Մաշտոց կը հիմնէ վարդապետանոց ուր յունարէն և ասորերէն Ս. Գիրք կը կարգային գրի գիւտէն առաջ:

27.— Hübschmann, Gram. I. V. was etwa in Armenien in alterer zeit geschrieben worden ist, musste in Ermangelung armenischer Schrift in fremder, d. h. persischer, syrischer oder griechischer Schrift und Sprache geschrieben sein. (հմմտ. վերը Ծան. 18.) Ծանօթ է Արտաւազգ Բ. (Պղուտարքոս, «Կրաստ», 33) իր օտարալեզու հեղինակ: Անշուշտ չեն պակասած համաներ (Հայցունի, «Դաստիարակութիւնը», էջ 152—162):

28.— Տէր Մինասեան, «Հայ—Ասորական յարաբերութիւնները», էջ 31—37:

29.— Տէր Մինասեան, անդ: Դանիէլեան զրերու որպիսութիւնը մշուշապատ է. տես Մարկուարտ, Ազգ. Մատ., հատոր ԿԷ., էջ 55: Գուրեան («Կոչնակ») զանանք հայ մեհենական սղազրութիւն կը համարի, առանց ծայնաւորի և աւելի նման փիւնիկեան ազիապետին— Բնականաբար զուտ անհասական վարկած: Աւերորդ է յիշել ուրիշ կարծիքներ:

30.— Այս է Կորեան վկայութիւնը հեղինակաւոր:

31.— Բ. Կիւլէսէրեան (Ազգ. Մատ., հատոր ԺԷ., էջ 434—447) կը զծէ հեթանոսատիպ պատկերն այն դարուն: Հմմտ. նաև Հայցունի «Դաստիարակութիւնը», էջ 50:

32.— Չունենալով նպատակ հարցին բանասիրական—քննական կողմը նկատել, զանց կ'ընենք յիշատակել ընդարձակ մատենագիտութիւնը: Նորագոյններէն հմմտ. Հ. Ն. Ակինեան, «Դասական Հայերէնը և Վիեննական Միւիթ. զպրոցը», Վիեննա, 1932, էջ 13—54: Հ. Եղիա Փէյլիկեան, «Աստուածաշունչի երկրորդ թարգմանութեան հազարհինգարիւրամեակը», «Բարձրավէպ», 1934, էջ 321—326, 401—411 (շարունակելի):


33.— Հայցունի, «Դաստիարակութիւնը», էջ 90-114:

34.— Հայցունի, անդ, 114 և յաջորդները:

35.— Այսպէս սակեղենիկ պատարագը արդէն Ե. զարու Բ. կէսին կը քաշուի հրատարակէն. Հմմտ. Գա-


Թրքմեն, «Արք. Պատարագամատոյց», էջ 109—116:

36.— Աստուծաշունչի երրորդ թարգմանութեան
մասին հմմտ. Գ. Տէր Մկրտչեան, «Արարատ», 1908, էջ
579—586:



IV

ՀԱՅՍՏԱՆ Ս. ԳՐԻ ՄԷՋ



Ա. ԳԵՏԵՐԸ

Կրօնական հրճուանքին կը խառնուէր անշուշտ ազգային հպարտ գգացում մը, երբ մեր հայրերն աշխարհի սմէնէն պատկառելի և հեղինակաւոր գրքին մէջ յաւերժացած կը գտնէին յիշատակը իրենց հոգին ու ջրին, լիւներուն ու գաշտերուն, ցեղին ծագման ու բախտին, նահանգներուն ու գաւառներուն — իրենց հայրենիքին: Հայ Ոսկեդարու ռահվիրաներն Աստուածաշունչի առաջին էջին վրայ արդէն կ'ողջունէին Հայոց աշխարհը իրրեւ այն վայրը, ուր Աստուած զեռեզում էր դրախտը փափկութեան, որորանը մարդկութեան ոսկեդարուն — աստուածատունկ Նդեմը: Աստուածաշունչը կու տայ անոր հակիրճ տեղագրութիւնը, և առանց Աստուածաշունչի հակասելու կարելի չէ զայն Հայաստանէ զուրս որոնել:

Ահա Աստուածաշունչի տեղիքը. «ՆԷ տնկեաց Աս-

տուած զգրախան յՅգեմ ընդ արեւելս, և եդ անդ ըզմարդն, զոր ստեղծ . . . Եւ զեա երանէր յՅգեմայ ուռզանել զգրախան, և անտի բաժանի ի չորս առաջս: Անուն միունն Փիտոյն. նա՛ է որ պատէ զամենայն երկիրն Եւրասայ, անդ ուր ոսկին է: Եւ ոսկի երկրին այնորիկ սղնիւ. և անդ է սուտակն և սկն գահանակ: Եւ անուն զեաի երկրորդի Գեհոյն. նա պատէ զամենայն երկիրն Եթովպացոց: Եւ զեան երրորդ Տիգրիս. նա է որ երթայ յանգլիման Ասորեստանի: Եւ զեան չորրորդ Եփրատէս» (Ծննդոց, Բ., 9—14.)

Եթէ սոյն տեղագրութեան մեկնիչները Հայաստանեան և հակահայաստանեան խումբերու բաժնենք, պիտի նկատենք, որ Հայաստանեան խումբն իր քանակով և որակով կը գլխէ կ'անցնի և անչքութեան կը մատնէ հակահայաստանեան խմբակը: Հայաստանէ դուրս փնտռելու համար գրախտը հարկ է կա՛մ աշխարհագրական սխալ, կա՛մ անճիշտ թարգմանութիւն և կա՛մ կանխակալ կարծիք: Ուրիշ հիմ չունին անոնք, որոնք Եգիպտոսի, Եթովպիայի, Հնդկաստանի, Բարբրաստանի, Գերմանիայի և նոյն իսկ աստղերու մէջ կը թափառին ի խնդիր գրախտին: Աւելորդ աշխատանք: Բացէք Աստուածաշունչը, օգնութեան կոչեցէք հին լեզուները, ւ ւանդութիւններն ու արձանագրութիւնները, ու եթէ Հայաստանի կողմ ասար փաստ կը գտնէք, Հայաստանի գէ՛մ՝ և ոչ մի Եթէ Հայաստանով միայն մէկ անուն անմեկնելի կը մնայ, առանց Հայաստանի սմբողջ տեղիքը յօգս կը ցնդի: Հետեւինք ուրեմն Աստուածաշունչի տող առ տող: Ի՞նչ կը յայտնէ նա գրախտի գիրքին մասին:

«Եւ անկեաց Աստուած զգրախան յՅգեմ ընդ արեւելս»: Անտարակոյս շատ աւելի ընդարձակ է սահմանաքան Հայաստան լեռնաշխարհը: Արեւելեան բոլոր երկիրները կարծես իրաւունք կը ստանան գրախտատեսչիկ միտումներ տածելու: Բայց Եգիպտէ (ԻԼ., 13—16) սահման մը կը գծէ աւելի անձուկ երբ կը հազորդէ, թէ

Եղեմը լեռնոտ երկիր էր: Արեւելքի դաշտային երկիրները այսու իրաւագուրկ կ'ըլլան և մեր խուզարկող աչքերը պէտք է յառին Արեւելադիր այն երկիրներուն որոնք լեռնային են: Եւ Աստուածաշունչն ինքնին մեր աչքերը դէպի բուսականութեան այնչափ ճիս լեռնակոյտը կ'ուղղէ անուններովը գետերուն, որոնք կարծես Հայաստանի սահմանները կը գծեն Արեւմուտքէն, Հարաւէն, Հիւսիսէն:

Անհրաժեշտ է գիտնալ, որ Աստուածաշունչի համեմատ գրախտի գետը մէկ հատ է իր ակնադրիւրով, բայց կը բաժնուի չորս առաջի, բազումի:

«Եւ զեա երանէր յՅգեմայ, և անտի բաժանէր ի չորս առաջս»:

Չորս գետեր որոնք մէկ ակէ կը ըզխեն: Այս կէտը վճռական հանգամանք ունի: Անհնար է չմոլորել, երբ այս կուտանը լքուի:

Արդ այդ իրողութեան վրայ յեցած՝ Արեւելքի այն երկիրը յարմար է գրախտատվայր ըլլալու, որ ծագում կուտայ չորս գետերու մօտաւորապէս մէկ ակէ: Մօտաւորապէս — նկատի ունենալով գրախտային շրջանէն յետոյ տեղի ունեցած երկրախօսական յեղափոխութիւնները: Եւ քանի որ չորս առուակներէն երկուքը Եփրատ ու Տիգրիս են, պէտք է որ այդ երկուքին ծնունդ տընող աշխարհը՝ ըլլայ նաև ակնադրիւրը միւս երկուքին: Արդ Եփրատ ու Տիգրիս գրախտը Հայաստանի կը կապեն անխղիւղօրէն: Ոչ ոք տարակուտած է, որ Աստուածաշունչի Տիգրիս ու Եփրատը մեզի ծանօթ գետերն են նոյնանուն, և ոչ ոք կրնայ ժխտել անոնց հայկական ծագումը: Եփրատ—Արածանի կը ըխէ բարձր Հայոց Ծաղկանց լեռներուն հարաւային և հիւսիսային լանջերէն, իսկ անկէ 2.000 քայլ միայն հեռու Հաշտենից գաւառի մէջ կը գտնուի Տիգրիսի արեւմտեան ակնադրիւրը: Անշուշտ պիտի առարկէք: Յանուն Տիգրիսի և Եփրատի Բարբրաստան ևս կրնայ գրախտատվայր և

զամ ըլլալ քանի այդ գետերուն հարաւային ընթացքը մինչև ծով Ատրեստանի և Բարեկաստանի կը պատկանին: Ատրեւթիւնը խախտւած է: Զի Բարեկաստան լեռնային չէ—մինչ Եգիպտոս լեռնային էր: Ապա՝ կարո՞ղ էք մասնանիչ ընել ուրիշ երկու գետեր՝ ի լրումն Ատաւաճաշունչի չորրորդութեան,— երկու գետեր, որոնք ըլլան ակնակից: Եւ վերջապէս Ատաւաճաշունչը ոչ միայն գետերուն անունները կու տայ, այլ նաև կը յիշէ՝ թէ գետերուն վերի՞ թէ վարի՞ ընթացքը նկատուին:

Հայերէն «առաջք» բառին փոխարէն սկզբնազիրը կը գործածէ «առաջմ», որ չի նշանակեր գետին վարի ընթացքը մինչև ծովարեւան, այլ գետին «գրւխ»ը: Տիգրիսի և Եփրատի սաքերը միայն Բարեկաստանի մէջ են, գլուխը սեպհականութիւնն է Հայաստանի: Ասոր չի հակասեր Տիգրիսի բացայայտիչը «որ երթայ յանդիման Ատրեստանի»: Փէ. դարուն Ասուր աւելի ծանօթ էր քան Հայաստան: Ծանօթ Մեծ Քաղքին անունով հեղինակը կը ճշտէ գետին: Անցողակի ըսենք, որ «Ատրեստանի» սխալ թարգմանութիւնն է: Հարկ է կարգաւ Ասուր քաղաքի որ Նինուէի կը համապատասխանէ: Տիգրիս ուրեմն քաղաքը կը քերէր արեւելեան կողմէ: Այս է իմաստը «յանգլիման»ին: Ծանօթ գետերէն անցնինք անձանթիւններուն:

Ինչ հակասական տեսութիւններ այդ երկուքի մասին, ինչ առասպելային նոյնացումներ, հակառակ Ատաւաճաշունչի և իրականութեան: Չորս գետերուն տկունքային միութեան սկզբունքը զմեզ անասլիքաք կ'առաջնորդէ դէպի Տիգրիսի և Եփրատի ազրերակունքը: Հոն պէտք է որ ըլլայ ծննդավայրը միւս ընկերներուն:

Գետերէն մին կը կոչուէր «Գեհան»: Արդի աշխարհազրութիւնը այս անունով գետի անձանթ է: Ազգերն այնքան երկիւզած չեն աշխարհազրական անուններու հանդէպ: Տիրապետող ազգերն իրենց գերիշխանութեան կնիքը անուններու վրայ ևս կը դնեն: Պատմագիր—հե-

ղինակներ ալ անուններ կը փոփոխեն, կը թարգմանեն խորթ հնչումներէ խուսափելու համար: Արդ ինչ է այս «Գեհան»ը: Հարազատ գետանուն թէ՛ թարգմանութիւն: Անհար է պատասխանել: Մէկ բան ստոյգ է: «Գեհան» լծորդ է երրայեցերէն «գիախ» բային, որ կը նշանակէ «բխել» յորդարուլա: Միւս կողմէ Հայաստանի մէջ ունինք Արաքսը, որ արմատակից է յունարէն «ԱրԱթթ» («բխել») բային: Իմաստներու նոյնութեան վրայ կ'աւելնայ Արաքսի և Եփրատի ազրերակունքներուն մերձաւորութիւնը— երկուքն ալ բարձր Հայոց լեռներէն (Իւրարկն):

Բայց ահա քար մը, որուն զարնուելով այնքաններ զայլեր ու ցնորական վարկածներու մղուած են: Ատաւաճաշունչ կը գիտէ Գեհանի մասին. «նա պատէ զամենայն երկիրն Եթովպացոց»: Եթէ ուղիղ է այս ընթերցումը, Արաքսը սրաշապանել անկարելի է: Բայց ուղիղ չէ ընթերցումը. «Եթովպացոց» անունը ճիշտ թարգմանութիւնն է սխալ ընթերցումի մը: Կարգացում է Քուշ, որ է Եթովպիա, փոխանակ կարգալու Քաշ, ինչպէս կը սրբազրեն առաջնակարգ հեղինակներ (Բէա Հայնիչ, Շանդա, Գայմէյ): Իսկ Քաշ երկիրը 3000ին (Ն.Ք.) կը զանուէր Բարեկաստանի հիւսիս արեւելեան կողմը, իսկ անկէ առաջ աւելի հիւսիսային կողմ, հոն, ու Արաքս շրջան կ'ընէ:

Կը մնայ Ատաւաճաշունչի յիշած առաջին գետը, Փիսան: Երկրագնդի երեսին անհետ կորսուած անուն մը: Բայց մեր խարխափումներուն մէջ իսկ մէկ բան անխախտ է. Փիսան գետ մըն է ակնակից Եփրատի, Տիգրիսի, Գեհանի: Ու բարձր Հայոց լեռներն իրարամերձ ակնազրիւրներէ ծնունդ կու տան երկու գետերու: Ծորոխ կը բխէ Եփրատածին լեռներուն հիւսիսային լանջէն, և Կուր՝ Տայոց Կող գաւառէն, Կարսի լեռներէն: Ուրեմն կա՞մ ձորոխ կա՞մ Կուր— ընտրութիւնն աւ

այժմ անհնար է, հակառակ անոր որ Փրանի մասին բացայայտիչներն աւելի առատ են: «Նա է որ պատէ զամենայն երկիրն Եւրլատայ, անդ ուր ոսկին է, և ոսկի երկիրն այնորիկ ազնիւ, և անդ է սուտակն և ակն դահանակ»: Ճորտի և կուրի աւազանները թափուր չեն ոսկիէ, թէ և Փասիա լերինք այդ կողմանէ կը գերազանցէ: Դրախտային այս գետն ուրեմն նոյնայնել զըժուար է, այժմ մեղի ծանօթ անուներու: Բայց երեք գետերէն որուն ալ տաք նախապատուութիւնը, չէք հեռանար Հայաստանի սահմաններէն, զորոնք Աստուածաշունչը միւս գրախտային գետերով զծած է: Աստուածաշունչին այս մեկնութեանը թէ Հայաստան է գրախտավայր, կը ձայնակցին ժողովրդական աւանդութիւնները: Այսպէս, Բարեւաջիք հիւսիսային կողմ կը զետեղէին գրախտը: Ի՞նչ կ'ըսեն հայկական տեղական աւանդութիւնները: Թէ՛ Արածանոյ, թէ՛ Արաքսի և թէ՛ Տիգրիսի աղբերականց մօտ կը պահուին գրախտային աւանդութիւններ: Լէօ, Հայոց Պատմ., էջ 141, 143, 149, կը պատմէ. «Այժմ էլ տեղացիները, հաւատարիմ աւանդապահներ հին մեկնութիւնների, այստեղ զետեղում են (այսինքն Արածանի շուրջ) Եգեմը, առաջին մարդկանց գրախտը: Եւ այդ աւանդութիւնը զօրեղ տպաւորութիւն է թողնում նոյն իսկ օտար այցելուների վրայ: Այդ գեղանկար վայրը — ասում է մի այցելու, Լիխուտին, — ունէր Բիրլիական բանաստեղծութեան ամբողջ չքնադութիւնը, և սքանչանալով նրա տեսքով, ցանկութիւն էր ծնւում բնակեցնել այդ տեղ ուրուականներ, որոնք նրա մենաւոր, գաղանի խորչերից մէկում, թէ արդեօք հիմա էլ չեն չրջում մեր նախահայրն ու նախամայրը այնտեղ, և արդեօք այժմ էլ չեն բուսնում այնտեղ արդիւում պտուղներ»:

«Արաքսի ծննդավայրը Հայաստանի բնութեան ամենագեղեցիկ անկիւններից մէկն է ներկայացնում:

Եւ այս կողմերի ժողովուրդը այս տեղ էլ զետեղում է գրախտը: Հաւատում են այստեղի և ոչ — քրիստոնեայ բնակիչները, թէ այս լճակների մէջ կայ մէկը, որ խկապէս անմահական ջուր ունի և անմահութիւն կը տայ այն մարդուն, որ երջանկութիւն կ'ունենայ նրա ջրից խմելու: Տիգրիսի արեւելեան ճիւղի ակունքը ժողովուրդը մեծարում է մի հաւատարիքով, որ գրախտի աւանդութեան հետքն ունի իր մէջ: Ամէն տարի, պատմում են մարդիկ, Համբարձման տօնին, առաւօտ, անմահութեան խնձոր մի հրեշտակներէն կը գրուի այս ական ջրի մէջ, ուր ամէնէն կանուխ հասնողը միայն կը տեսնէ. բայց երբ ձեռը կը կարկառէ, խնձորն այլեւս չի երեւիր»:

Աստուածաշունչի վրայ կը յենու ուրեմն մեր հայրենիքի գրախտային հանգամանքը — ու անոր գրախտային հանգամանքին վրայ թերեւս մեր դժբախտութիւնը . . .

(Հմմտ. նորագոյն երկերէն Aug. Bea I. J. Institut. Biblicae, I De Pentatencho Romae, 1928, էջ 129—131.—Dr. P. Heinisch, Das Buch generis, Bonn, 1930, 115—117.—)

Բ. ԼԵՌՆԵՐԸ

Մեր հայրենիքին յատկանիչներն են ջրերն ու լեռները: Զրերը ճանչցանք Մինդոց Բ. գլխուն մէջ, իսկ է. գլխուն մէջ կը յիշատակուին լեռները: Գետերը զմեզ զբախտ առաջնորդեցին, ուր կը տիրէր մարդկութեան սակեղարը: Այժմ երբ լեռները երևան կ'ելլեն, այն սակեղարը վաղուց տեղի տուած է ապականութեան: Մարդկութեան ամենադառն ճգնաժամն է դա, ու հայկական լեռներուն կը վիճակուի իբր ոսնկուի ծառայել մարդկութեան երկրորդ հօր: Զրհեղեղը զերեզմանի վերածած էր առաջին սերունդի հայրենիքը: Զրաթաղ եղած էին նոյն իսկ ամենաբարձր լեռները, ու միայն տապանը զրեթէ վեր կը ծփար մարդկութեան բեկորներով փրկութեան ակնդէտ: Ամիսներ վերջ լեռները կը թօթափեն ջրային տարիութիւնը: Ու տապանը բնականօրէն կը նստի այն լեռան վրայ, որուն վրայ կը գտնուէր ջրերու քաշուած պահուն: Ո՞րն է այդ տապանակիր լեռը: Նոյայ տապանը կը զարթուցանէ ի մեզ պատկերը Հայ Հսկային, և հաճելի է մեզ վեհափառ լեռան երկնահուպ գագաթը Տապանով նուիրագործել, մանաւանդ որ այդեռտաններն, Ակուին, Նախիջեանը կարծես համախումբ ի նպատակ կը վկայեն: Բայց աւագ յետին, շատ յետին դարերու անդօր վկայութիւն:

Ի՞նչ կ'ըսէ Ս. Գիրք և ի՞նչ կ'ըսեն հայ և օտար աւանդութիւնները:

«Եւ նստաւ. (տապանն) ի լերինս Արարատայ» — այս է վճռական պատասխանը Աստուածաշունչի: Տապանը կը պատկանի հայկական լեռներու — այս մասին ոչ մի տարակոյս ոչ տոմային, ո՛չ օտար հեղինակներու մօտ: Բայց այսչափը չի զոհացներ զմեզ: Կը բաղձանք գոնէ մօտաւորապէս ճշտել զիրքը այդ լեռան: Հայկական բազմաթիւ գագաթներէն՝ որո՞ւն յատուկ է մենաշնորհը տապանը հիւրընկալած ըլլալու:

Հարցումս այնքան կ'նճուտ չէ, ու լեռներու ընտրութիւնը կարելի է զիւրաւ ընել ու պատասխանը գտնել, եթէ յետնագոյն անուաններ և աւանդութիւններ զմեզ չնախապաշարեն: Զի հարցն այն չէ թէ Յ. Ք. Փե. դարուն ո՞ւր կը գտնուէր Արարատ անուամբ լեռը — այլ հարցն է, թէ Ն. Ք. Փե. դարուն, երբ Մովսէս կը գրէր ու կը գործածէր Արարատ անունը, այդ երկիրը կամ լեռը աշխարհագրի կամ աւելի որո՞շ Հայաստանի ո՞ր կողմը կը գտնուէր: Պատասխանը Աստուածաշունչը չի տար, ուստի կարելի է զայն սխալ մեկնել թիւրիմաց մեկնութիւններովը յետնագոյն դարերու: Սակայն պայծառ է պատասխանը բարելական — ասորեստանեան արձանագրութեանց, որոնք Արարտի — Ուրարտու երկիրը կը զեռեղեն Վանայ լճին Արեւմտեան կողմ մինչև Եփրատի ծոցը՝ Սարբերդի մօտ: Ուրեմն այս լեռնաշղթան, որ կը կոչուի Հայկական Տաւրոս, որուն մէկ մասը Մասիոս միւս մասը Գորդիւնէնէ անունը կը կրէ յոյն մատենագրաց քով, բնակավայրն էր նախնաբար Արարտի — Ուրարտի ցեղին, և զայն աչքի առաջ ունի Մինդոց հեղինակը, երբ Արարատ կը կոչէ տապանակիր լեռները:

Այս իրողութիւնը այնքան համապատասխան է մամանակակից պատմութեան և աշխարհագրութեան, որ զարմանալի պիտի ըլլար եթէ չըջակայ սոցերու ջրհեղեղեան աւանդութիւններն ուրիշ լեռներ մատնանիչ

ընէին: Բայց աւանդութիւնները միահամուռ հայկական Տաւրոսը կը ձանձնան իբր լեռ տապանակիր: Թէև լեռան կու տան զանազան անուէններ, բայց մասնելով սերտ աղերսը այն հայ լեռնաշղթային:

Բարերևական աւանդութիւնը իբրև տապանալեռ գիտէ Մաշու, որ Բերոսոսի տարբերակին մէջ Նիսիր ձեւով կը ներկայանայ: Ահա Մասիսը, զոր յիշեցինք:

Ատորական, Տարզում, Արարական աւանդութիւնները տապանակիր լեռը կ'անուանեն Կարդու: Ո՞վ չի տեսներ հոս յունական Գորդիւնէ, մասը Հայկ. Տաւրոսի: Մուշ և Մասուն իրարմէ բաժնող լեռնաշղթան տակաւին այսօր Կարդուի անունը կը կրէ և անուանական հետքն է Ուրարտացւոց «Խարք» անուան. մինչդեռ ցեղին ժառանգորդները «Խոյթ» անունով անտառները կը կենդանացնէին Հայոց անհավանալի լեզուով տակաւին Յ. Ք. Ժ. դարուն:

Աւելի ձօխ է յունական աւանդութիւնը: Նա չի գոհանար լեռնաշղթայի ընդհանուր անունով, ու կը յիշատակէ զազաթը յականէ անուանէ: Դէորդ կիւպրացւոյ համար, Մարաթիկն է տապանալեռը, մինչ Նիկոզայոս Դամասկացին Բարիս գիտէ զայն: Դէպի ս՛ւր կ'ուղղեն այս լեռները մեր ակնարկը: Դէպի Հայկական Տաւրոս: Հոն, Մասունի արևելակողմ կը բարձրանայ Մարաթու լեռը՝ 3.000 մ., ու աւելի գէպի արևելքը — Բարիս (Սեփան—Դաղ) կամ հին հայկական անունով Նեխ Մասիս 4176 մ.: Յունական աւանդութիւնը այսու պատուոյ վէճ մը կը ձգէ զազաթներու մէջ, որոնք սակայն Հայկական սահմաններէ դուրս չեն հաներ պատուոյ կռիւր: Կը մնայ լսել հայ աւանդութիւնը: Ժ. Բ. դարէ յառաջ հայ մասենադիրները յաճախ խօսած են Այրարատ նահանգի մէջ գտնուող Ազատ Մասեաց մասին, սակայն երբեք չեն վերագրած անոր տապանալեռի տիտղոսը: Այս լեռնութիւնը ինքնին ծանրակշիռ է Ժ. Բ. դարէ յետոյ ծագում առնող աւանդութեան դէմ, որ

անուէններու շիթութեամբ յերկրած է նոր տապանալեռ մը, Այրարատ նահանգի անունը փոխադրելով Մեծ Մասեաց վրայ: Սակայն այս աւանդութիւնը կը հակասէ ոչ միայն օտար ազգաց աւանդութիւններուն, այլ նաև հայ հնագոյն հարազատ աւանդութեան, զոր պահած են Բուզանդ, Խորենացի, Թ. Արծրունի, «հանգեաւ ի լերինս Կորդուաց» (Ա. ա.): Ասոնց համեմատ տապանակիր լեռը կը կոչուի Արարատ՝ Կորդուաց աշխարհի մէջ:

Ուրեմն իսկատար ներդաշնակութիւն Աստուաշունչի, հայ և օտար աւանդութեանց միջև: Վար կ'առնուենք տապանը Ազատ Մասեաց գազաթէն, որ ինքնին վեհ է և օտար զարդերու կարօտութիւն չունի, և կը փոխադրենք զայն քաջ Մասունցիներու գազաթները, առանց նշանակել կարենալու, թէ անոնցմէ ո՞րը կը կոչուէր Արարատ:

(Հմմտ. Հ. Դոկտ. Վահան Խոկիզեանի Armenien in der Bibel բանիրուն երկը, որ մանրակրկիտ քննութեամբ կարեւոր ճշգումներ յաջողած է կատարել տարտամ հարցին շուրջ):

Գ. ԲՆՆԿԶՈՒԹԻՒՆԸ

Գեառեքնի ու լեռներէն յետոյ կարող ենք զբաղիլ զբախտացին երկրին բնակիչներով:

Եւ նախ ծագումը անոնց, որոնք տեսականօրէն պիտի դրոշմէին իրենց անունը երկրին վրայ, — Հայ — Արմենները: Ու ահա Ծննդոց զրքի ժ. գլուխը: Դա տիեզերապատմական նշանակութիւն ունի, իբրև ճիւղազրական տախտակը այն ազգերուն, որոնք հեղինակին Բարեբական — Բազդէական տեսակագծին մէջ էին. (տ. Schopfer, Geschichte der A. T. 6, 135—6): Անոնց կարգէն էին մեր հայրենիքի բնակիչները մ. Գ. դարուն: Ուստի տարօրինակ չէ որ հայ աւանդութիւնը հայ ցեղի ծագումը փնտռած ըլլայ այդ ցուցակին մէջ ու գտած յանձին թորգոմի: Թորգոմ, Ասքանազ և Բիրայթ՝ որդիք Գամերի՝ կը սերին Յարեթէ, հնգերորդական մեծ ընտանիքի նահապետէն: Գամերը կիմերական ցեղն է (Ոգիտական ժ. Ա. 14, Հերոդոտոս Գ. 11), որ արձանագրութեանց մէջ Մանգա կը կոչուի, և իբր Գամիրք ծանօթ է Հայոց հարեւան Կապադաքովիոյ մէջ: Ասքանազը կը նոյնանայ արձանագրութեանց Աշկուզա ձեւին, իբր Սկիւթական ցեղ, որ մեծ արշաւին հետեւանքով Ուրմիոյ լճին հիւսիսային և արեւելեան կողմ բնակութիւն հաստատեց և սասնեակ տարիներով (614—584) սարսափ ազգեց չրջակայ մեծ տէրութեանց:

Բիրայթ թերեւս Պապրագոնին է և կամ Aripsas քաղաքը, որ Բողազքէոյի արձանագրութեանց մէջ կարնոյ մօտ կը յիշատակուի:

Ինչ և ո՛ւր էր Թորգոմ — կամ հարազատ ձեւով՝ Թորգարմա, ըստ Բողազքէոյի արձանագրութեանց թեզարմա, և ստորական արձանագրութեանց Թիլգարիմօւ: Դա երկրանուն է մինչև 712՝ ընդ մէջ կարգեմիչի և Իշուլայի (Խարբերք) Եփրատայ մօտ: 695է յետոյ քաղաքի անուն է Տարայ կոչուած երկրին մէջ: Բնակիչները Մեամնացիներ են, որոնք թէև 706ին տեղի կու տան Արմենափրիւզ արշաւին, բայց Թորգարմա — Թիլգարիմօւ անուանածեւը կը շարունակէ սպրիլ և նոյն լակ յազմական նորամուտ ցեղին վրայ կը տարածուի: Ուստի Հայոց ազգիսը Թորգարմայի հետ լակ տեղական — ժամանակաւոր էր, ու այդ է հիմը Հայոց Թորգոմական ծագում տուող աւանդութեան, որ ծանօթ է նաև Եւսերիտի, Գէորգ Սինկեղոսի: Թորգոմական չրջանի յիշատակ է Տորգ աստուածը՝ տարբերակը Տարկու ձեւին:

Աստուածաշունչի մէջ չենք գտներ ակնարկութիւններ այն ահագին չրջանի մասին, երբ պատահած է ազգերու արտագաղթը հայ հայրենիքէն դուրս դէպի Հնդկաստան, անոնց ուժեղացումը, և վերադարձը ուրիշ ճամբով, ուրիշ անունով: Բայց մինչ Հնդկաստանի մէջ Արմէն ցեղը կը կերտուէր, Փոքր Ասիայի մէջ կը փրայակէր բազմախաւ և բազմածաւայ Հատան ցեղը, զոր բազմիցս կը յիշատակէ Աստուածաշունչը 2700էն մինչև 2000 ահագին չափով ծաւալելէ, Բարեբակի մահու հարուած տակ վերջ, իբր 1500ին միահեծան կիշխան Փոքր Ասիայի կեդրոնին, իրենց ղէնքերը կը զգայնեն մինչև Եփրատ, Պաղեստին, ուր կը հիմնեն Երուսաղէմ, 1200է յետոյ անկրման չրջան սկսելու համար Փոքր Ասիոյ մէջ, մինչ Հայաստանի հատան

միւս ցեղերը — Հայաշա, Շուվէ, Աւշէ, — ծաղկման շրջանը կը սկսին: Անոնց միացած են Ուրարտացիք, որոնք ազգերու ճնշման ներքեւ տեղափոխ եղած էին տակաւ Վանայ լճի արեւմուտքէն դէպի հիւսիս (Արճէշ—Արդաշիւ) մինչեւ լճին արեւելեան ափը (Տոսպ—Վան): Հոն կը կազմուի գաղչակցութիւն մը նախարմէն թագաւորութիւններու ընդդէմ հարաւային բռնակալութեան: Ազգային անկախութեան գաղափարն է որ կը զինէ մեծ գաղչակցութեան անդամները: Գրեթէ դար մը (860—714) Ասորեստանեան բռնակալներ ուրիշ մտահոգութիւն չեն ունեցած, բայց եթէ հիւսիսէն սպառնացող վտանգը: Անկման շրջանին անգամ գաղչակցներու դուրսը Ուրարտու՝ այնքան ինքնավստահ է, որ կարող է Ռուսաս Բ. 685—675 պատուար հանգիստնալ հայրասպան ասորեստանցիներու: Ու անա այս առթիւ վերջապէս կ'երեւայ հայ հայրենիքը Աստուածաշունչի մէջ. «Եւ մինչդեռ երկիր պազանէր Անեքերիմ արքայ (705—681) ի տան իւրում նասնայեաց կոոց իւրոց, Ազրամելիք և Սարասար սրգիք նորա սպանեն զնա սրով և ինքեանք զնացին փախտական ի Հայս» — կը պատմեն Եսայի (ԼԷ. 38), Դ. Թագաւորութեանց (ԺԹ. 37): Երկուքն ալ երկիրը, ուր անոնք կ'ապաստանին, կը կոչեն Արարատ, որ չէ այլեւ ժե. դարու՝ այլ է. դարու Ուրարտուն Վանայ արեւելեան կողմ: Հայ թարգմանիչը կը գրէ «ի Հայս», իսկ լատինը «Armenia», ըստ յեանագոյն անուան, քանի որ է. դարուն ո՛չ Հայը ո՛չ Արմէնը իրենց անունը պարտադրած էին երկրին: Այդ պիտի պատահէր մէկ դար վերջ, երբ առոյգ ցեղն Արմենական օռք զնէր զբախտային լեռնաշխարհի վրայ, ձուլուէր Հայաշա բնիկ ցեղի հետ ու սկիզբ առնէր պատմական նոր շրջան մը: Ազգաց նոր հեղեղ մը տուաւ արտաքին մղումը:

660—610 ազգայոյց խառնուրդի ժամանակ է:

Հայաստան ու շրջակայ երկիրներն կը նմանին եռացող կաթնային Ֆեղերու նոր տեղաւորում կ'ըլլայ հետեւանքը: Ուրարտու կը քաշուի դէպի հիւսիս Արաքսի հովիտը, թողուլ անջնջիլ յիշատակներ իր հարաւային իշխանութեան: Առոյգ Արմէնները, հիւրերը թորգոմական տան, կը յառաջանան յազթական ու կը դառնան տէր կացութեան և երկրին Թէև կը հպատակին Մարական զէնքին, բայց իրենց ներքին ինքնավարութիւնը կը գործածեն նոր ազգը կազմելու հայ և ուրարտական տարրերով:

Բաջ անասնապահներ էին Արմէնները, անմրցելի մասնագէտներ ձիարուծութեան մէջ: Երբ տակաւին Թորգոմայի շրջակայքը կը բնակէին, Անդեղանէ և Մըն-ձուրէ քաջամարդ ձիեր կը հայթայթէին Մոզոմոնի (Դ. Թագ. 10, 28) Բ. ՄՆ. (Ա. 16): Մուսրի կը համապատասխանէ մեր Մզուրին: Յետոյ իրենց նոր հայրենիքին մէջ պահեցին և զարգացուցին այդ մասնագիտութիւնը: 590 թուականներուն մրցանակ կը չահին Հայկական «սրավար», «սրաթուխ», «օղապարիկ» նժոյգները: Ասոնցմով ծանր տուգանքներ պիտի վճարէին Դարեհի — տարեկան 20000 նժոյգ — բայց նաև հասցի շահաբեր ազրիւր կը բացուէր: Հին դարու ամէնէն վաճառաշահ քաղաքի — Տիտոսի — հրապարակը ամենափոյթ յաճախորդն էր այն նժոյգներուն: Ժամանակակից Եզեկիէլ, (ԻԷ, 14) կը վկայէ. «Եւ ի տանէ Թորգոմայ ձիովք և հեծելովք և ջորւովք լցին զվաճառս»: Այդ անուշով մուտ գտած էին հայկական նժոյգները Ժ. դարուն, ու այդ ծանօթ անունը անփոփոխ կը մնայ Զ. դարուն, երբ Արմէնները իրենք կը կատարէին առաքումները:

Այսպէս ուրեմն Աստուածաշունչի մէջ առաջին պատմական տեղիքները Հայոց նկատմամբ՝ անտեսութեան վերաբերեալ են: Ապա լսելի կ'ըլլայ նաև զէնքի ձայնը: Հայարմէնը իր նոր հողը պաշտպանելու համար

արի մտաբանիկ կը դառնայ: Չէնքով մասնակից կ'ըլլայ Մարտիան արչաւանքներու և կը զրուէ կարկառուն գիրք: Անկազմակերպ հրոսակներ չեն անոնք, այլ մշակայթի ճամբուն վրայ հաստատուն քայլերով յառաջացող ազգ և թագաւորութիւն: Իբր այսպիսի վիճակից են կիւրտի: Ու մարգարէն Երեմիա (50—51), երբ կանխատես աչօք կը նկարագրէ կործանումը Բաբելոնի, կեդրոնի բանակին մէջ կը նշմարէ հայկական դնդեր, «Առէք նշան ի վերայ երկրէդ, փող հարէք ընդ ազգս ամենայն, հրաւիրեցէք ի վերայ դորա (Բաբելոնի) դունդըս: Պատուէր տուք յինէն այրարատեան թագաւորութեանց և ասքանողեան դնդին. կանգնեցէք դնովաւ նետակալս. ելէք ի վերայ երկւարք իրրեւ զբազմութիւն մարտիս»: Հայ ձեռագիրները լուսանցքի վրայ իրաւամբ կը գիտեն «Հայք»: Հայ թարգմանիչը դուրս թողուցած է Մեննին, որ Ուրարտուի (Ալարատիայի) և Առքանաղի միջեւ կը գտնուէր Ուրմիա լճին արեւմտակողմ: Արձանագրութեանց Ման քաջ ցեղն է դա, որ բազմամեայ պատերազմներէ վերջ՝ արեւելքէ կը քշուի գէսի հարաւ—արեւմուտք, թողլով հետք մը Մանաւազեաց դաւառի անուան մէջ:

Հոս առկաւին յականէ անուանէ կը յիշուին այրարատեան թագաւորութիւնք: Բայց շուտով գերիշխանութիւնը պիտի խլէ Հայը և պիտի գառնայ ներկայացուցիչը հեւեթասյին մտաբանիկ ազգերու: Եգեկիէյ (Ը, 6) կը նկարագրէ հեռաւոր ապագայի վճռական պատերազմը Գոգի և Երուսաղէմի: Գոգի վիճակից է Տունը Թորգոմայ՝ առաջնորդ գերի մէջ: «Տունն Թորգոմայ ի ծագացն հիւսիսայ, և ամենեքին որ շուրջ զնովաւ»: Հայուն շուրջ համախմբուած են չրջակայ ազգերը: Բայց դա, այլ գայիք պատմութիւն է: Աստուածաշունչի մարգարէական հարկոյնին մէջ Հայուն կարեւոր գեր մը վերապահուած է:

Ն. Ք. Ե. դարէն սկսեալ Հայոց պատմութեան ազդրիւնները կը բազմանան: Աստուածաշունչի մէջ ոչինչ կը գտնենք այլեւս, բացի բառերէ: Մակարայեցեաց (Դ. 48 48 կը պատմէ, թէ ինչպէս Անտիոքոս Դ. անպարտ կ'արձակէ զՄենեղաւոս ոճրագործը: Այսպիսի դատաւճիռ մը — կը գիտէ հեղինակը — պիտի հակառէր նոյն իսկ ըՍկիւթացեաց — ուրեմն վայրենի բարբարոսներու — արդարութեան զգացումին: Արդ հայ թարգմանիչը փոխանակ Սկիւթացեաց կը գրէ Խաղտեաց, ցուցնելով որ Հայոց կարծիքը Խաղտեաց մասին այն էր, ինչ որ Յունաց կարծիքը Սկիւթացեաց մասին, այսինքն բարբարոս, անմշակ: Ահա այս վիճակի հոտած էին երբեմնի մեծայաղթ Խաղտիք, Մենուատի, Արգիստի սերունդը, անշքանալով Հայոց Մեծաց արեգակնակերպ ծաւայոյզ փառքէն:

Երկրորդը՝ անուն մըն է, վերջին հետք հայ ազգային տարրներու Աստուածաշունչի մէջ: Յոր (Թ. 9, ԼԳ. 31) կը յիշատակէ Արկաուր, Անդէորդ, Որիոն աստղերը, որոնց կը հանդիպինք նաև Ամովսայ մօտ (Ե. 8): Գարագաշեան, Բամաշեան և այլք կը հաւատան, թէ Հայ թարգմանիչը երկու անգամ Հայկ կը գործածէ փոխանակ Որիոնի, և կը հետեւցնեն ոչ միայն սեփական աստղագիտութեան մը գոյութիւնը Հայոց մօտ, այլ նաև կը ջանան Հայկ գիւցաղին վրայ յայտնի Որիոնի գոյցէն:

Արդ ստոյգ է, որ Աստուածաշունչի մէջ երկու անգամ յիշատակուած է Որիոն, բայց և ոչ մէկ անգամ թարգմանուած է Հայկ: Յոր (Թ. 9) Որիոնի փոխարէն կը գտնենք «զգիչերախարն» բառը, և Ամովս (Ե. 8) «և նորոգէ» բոլորովին սխալ թարգմանութիւնը, հետեւանք սրտալ ընթերցումի: Աստուածաշունչի մէջ ուրիշ տեղ Որիոն չի պատահիր: Իսկ Արկաուր թարգմանուած է մի անգամ (Յոր Թ. 8) «բազմաստեղք», բայց մը որ Յոր (ԼԳ.

31) «Պէտաք»ը կը հայացնէ. երկրորդ անգամ թարգմանուած է Արկաուեր բոլորովին սխալ՝ «գամենայն» (Ամսօր, Ե. 8), և երրորդ անգամ (Յոր, ԼԲ. 31) Հայկ. Ուստի Աստուածաշունչի մէջ մէկ անգամ միայն կը գրանենք Հայկ. և այն՝ ոչ թէ Որինոյի այլ Արկաուերի դէմ:

Այս համեմատութիւնները սա եզրակացութեան կը մղեն դմեզ:

Հայկ — Որինո համեմատութիւնը ունէ հիմ չունի Ս. Գրոց մէջ: Ուստի անհնար է Հայկի զիւցազներգութիւնը Որինոյով լուսարանել:

Աստուածաշունչի հայ թարգմանութիւնը սա միայն կը ցուցնէ ակներեւ, թէ Հայկ՝ նման ուրիշ զիւցազներգութեան երկրէ երկինք աստղերու կարգ փոխադրուած էր և կը նշանակէր պարզ համաստեղութիւն մը: (Հմմտ. ԵՍ.ԺԳ.10):



ՆԻԻԹԵՐՈՒ ՑԱՆԿ





I.— ՏՕՆԻՆ ԻՄԱՍՏԸ

Ա.— Դարադարձը	5
Բ.— Ակնարկ մը	7
Գ.— Ազգ և Մաշտոցեան Աստուածաշունչը	9

**II.— ԲԱՆԱՍՏԵՂԾՈՒԹԻՒՆԸ
ԱՍՏՈՒԱԾԱՇՈՒՆԶԻ ՄԷՉ**

Ա.— Բանաստեղծութեան բմբունումը	17
Բ.— Աստուածաշունչը բանաստեղծութեան կոթող	20
Գ.— Աստուածաշունչը՝ ներշնչարան Հայ բանաստեղծութեան	25
Դ.— Առակաց Գիրքը	27
Ե.— Լեզուի զեղեցկութիւնը Հայ Աստուածաշունչի մէջ	32
Զ.— Նմոյշներ	38

III.— ՀԱՅ ԱՍՏՈՒԱԾԱՇՈՒՆՉ ԵՒ
ՀԱՅ ԾԷՍ

Ա.— Հիմնական սրվաար	45
Բ.— Ոսկեդարէ առաջ զրականութիւն	48
Գ.— Ծէս ստեղծելու փորձեր	51
Դ.— Սահակ — Մաշտոց ու Հայ Ծէսը	54
Ե.— Հայ ծէսին արժէքը	57
Զ.— Հայ ծէսին արդիւնքները	61

IV.— ՀԱՅԱՍՏԱՆ Ս. ԳՐԻԻ ՄԷՉ

Ա.— Գետերը	75
Բ.— Լեռները	82
Գ.— Բնակչութիւնը	86



ՀՀ Ազգային գրադարան



NL0158475

57



ԳԻՆ՝ 60 ԼԷՅ, 10 ՅՐԱՆԲ, 40 ՍԷՆԹ